



Kukkunersiuinnermut Ataatsimiititaliaq
Inatsisartut Allattoqarfia
Postboks 1060
3900 Nuuk

Kontu pingaarneq 31.03.12 Isumaginninnikkut isumannaarinerit, Inunnt Isumaginninnikkut isumannaallisaaneq pillugu Nunat Avannarliit isumaqatigiissutaat pillugu Kukkunersiuinnermut Ataatsimiititaliap malitseqartitsilluni apeqqutaanik akissuteqaatip malinnaasillugu nassiunneqarnera.

01-11-2023
Sags nr. 2023 - 24999
Akt. id. 23553818

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Kukkunersiuinnermut Ataatsimiititaliamut.

Kontu pingaarneq 31.03.12 Isumaginninnikkut isumannaarinerit, Inunnt Isumaginninnikkut isumannaallisaaneq pillugu Nunat Avannarliit isumaqatigiissutaat pillugu Kukkunersiuinnermut Ataatsimiititaliap malitseqartitsilluni apeqqutaanik Naalakkersuisut akissutaanni allaqqasutut matumuuna 2021-mut 2022-mullu isumannaarinerit ataasiakkaat nunanut agguataarneri pillugit paasissutissat nalilersorteqqitat malinnaasillugit nassiunneqarput.

Najugaqarfik	2021		2022	
	Utoqqalinersiat 2021	Siusinaartumik pensionisiat 2021	Utoqqalinersiat 2022	Siusinaartumik pensionisiat 2022
Belgien	1	0	1	0
Finland	1	0	1	0
Frankrig	5	0	5	0
Holland	1	0	1	0
Island	2	4	6	2
Norge	74	11	81	9
Portugal	2	0	0	0
Schweiz	2	0	1	0
Slovenien	1	0	1	0
Spanien	8	1	7	2
Sverige	86	3	84	11
Tyskland	5	0	4	0
Østrig	1	0	1	0
Storbritanien	2	1	3	0
Isumannaarinerit katillugit	191	20	196	24
Katillugit	211		220	

Najoqutaq: Isumaginninnermut, Ilaqutariinnut, Suliffeqarnermut Nunamullu Namminermt Naalakkersuisoqarfik.



Eqqumaffigineqassaaq paasissutissat nalilerlorsorteqqinnerannut atatillugu naatsorsuinermi siullermi 2021-mut tunngasumi assigiingissut ataaseq paasineqarmat, taamaattumik 2021-mut paasissutissat nalilerlorsorteqqitat takussutissiami ilanngunneqarlutik.

Inussiarnersumik inuulluaqqusillunga


Jess Svane



Kukkunersiuinermut Ataatsimiititaliaq
Inatsisartut
-/ MAANI

2022-mut Nunatta Karsiata Naatsorsuutaanut ataatsimiititaliap apeqqutaanut akissutit


Matumuuna inussiarnersumik Naalakkersuisut Kukkunersiuinermut Ataatsimiititaliap qulaani taaneqartut pillugit apeqqutaanut ataatsimut akissutit nassiunneqarput.

Besvarelse af udvalgsspørgsmål vedrørende Landskassens Regnskab 2022

Hermed fremsendes venligst Naalakkersuisuts samlede besvarelse på Revisionsudvalgets spørgsmål vedr. ovennævnte.

Inussiarnersumik inuulluaqqusillunga

Med venlig hilsen



Erik Jensen

Brevdato: 12-10-2023
Sagsnr. 2023 - 9918
Akt id. 23500114

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

10 Naalackersuisut Siulittaasuata Naalackersuisoqarfia

Konto pingaarneq	Qulequtaq
10.13.10	Iluaaarutit, aktianik piginneqatigiiffinniit piginneqataassutit tunisinerillu
Kukkunersiuinermut Ataatsimiititaliap Oqaaseqaatai/apeqqutai	Aallaqqaasiutigalugu akissummut erseqqissaataasumut ataatsimiititaliaq qujavoq. Ataatsimiititaliamit malitseqartitsilluni apeqqutigineqarusuppoq paaserusunneqarluni Royal Greenland A/S-imit iluaaarutit pisarnermit qanoq siusinnerutigisumik akilerneqarsimanersut.
Akissut	Naamik, iluaaarutit pisarnermit siusinnerusumik akilerneqarsimangillat.

Konto pingaarneq	Qulequtaq
10.98.02	Nuna tamakkerlugu Digitaliseriiniarnermut periusissiap atortuulersinneqarnera
Kukkunersiuinermut Ataatsimiititaliap Oqaaseqaatai/apeqqutai	Aallaqqaasiutigalugu Nuna tamakkerlugu Digitaliseriiniarnermut periusissiap siuariartornera pillugu itinerusumik paasisimasaqalersitsinermut ataatsimiititaliaq qujavoq. Tamatumunnga uiggiullugu ataatsimiititaliamit kissaatigineqarpoq Naalackersuisut piumaffigineqassasut Nuna Tamakkerlugu Digitaliseriiniarnermut periusissiaq 2023-2025 ataatsimiititaliamut nassiunneqassasoq.
Akissut	Periusissiaq oktobarip qiteqqunnissaata tungaanut nutserneqarpoq, oktobarillu naanerani Naalackersuisunut saqqummiunneqassasoq naatsorsuutigineqarluni. Tamatuma kingornatigut periusissiaq pillugu tusagassiorfitsigut nalunaaruteqartoqassaaq periusissiarlu siammartigassanngorlugu Inatsisartut allattoqarfianut nassiunneqassalluni.

20. Aningaasaqarnermut Nunamullu Namminermut Naalakkersuisoqarfik

Konto pingaarneq	Qulequtaq
20.05.45	Akinut pakkersimaarniarluni suliniutit
Kukkunersiuiinnermut Ataatsimiititaliap Oqaaseqaatai/apeqqutai	<p>Aallaqqaasiutigalugu akinut pakkersimaarniarluni suliniutit pillugit Aningaasaqarnermut Akileraartarnermullu Ataatsimiititaliap suliaanut innersuussineq pillugu ataatsimiititaliaq qujavoq. Atortussat innersuussutigineqartut ataatsimiititaliamit misissorneqarput imatullu paasinnittoqarluni ataatsimiititaliap apeqqutaa a. sulii akineqarsimanngitsoq. Taamaattumik ataatsimiititaliap Naalakkersuisut qinnuigissavai nassuiaateqarfigeqqullugu nerisassanik nioqqutissanik assartuinnermut immikkoortortap iluani aningaasat naleerukkiartornerat akiorniarlugu iliutsinut aningaasat atornerqartussat affai ataallugit soq taamaallaat atornerqarsimanersut. Tassunga ilanngullugu immikkut maluginiaqquneqassaaq Naalakkersuisut ulloq 14-09-2022 saqqummiussaata suliaq ima normulik: 2022-16911, tassani ima allaqqasoqarluni:</p> <p>”Manna isummernissamut tunngavissiami siunnersuutaavoq Namminersorlutik Oqartussat Royal Arctic Linemik , ingerlatseqatigiiffiup 2022-p naanissaata tungaanut uuliamut tapiissutitut akiliutigittagaatigut assartuinnermi akigititani appartinnissai pillugit isumaqatigiissuteqassasut. Uuliamut tapiissutitut akiliutit qaffannikkuupput uuliap akiisa qaffannerat ilutigalugu. Royal Arctic Line kingusinnerusukku ukiup sisamararterutaata kingullermi naatsorsuinnermini ilimagaa uuliamut tapiissutitut akiliutit aamma nunat aningaasaannut tapiissutitut akiliutit katillugit 50 mio. kr.-nik naleqartut akiliisitsissutigineqassasut. Manna isummernissamut tunngavissiami inassuteqaat aqutigalugu tamanna 20 mio. kr.-nut appartinneqassaaq”.</p>
Akissut	<p>Atortuni aalajangersimasuni Aningaasaqarnermut Akileraartarnermullu Ataatsimiititaliamut ulloq 21. september 2022 akuerisassanngorlugit nassiuqqarsimasuni takuneqarsinnaavoq, ataatsimiititaliaq suliami 22-995-imi inassuteqaatinik ukunannga akuersissuteqarsimasoq:</p> <p>”Naalakkersuisut inassutigaat,</p> <ul style="list-style-type: none"> • Akinut pakkersimaarniarluni suliniutit pillugit Konto pingaarnermut nutaamut 20.05.45-imut aningaasaliissutit 2022-mi 30 mio. kr.-nik ilaneqassasut, • Aningaasaqarnermut Naligiissitaanermullu Naalakkersuisoq ”Akinut pakkersimaarniarluni suliniutit” pillugit konto pingaarnermut 20.05.45-mut oqaasertaliussat nutaat naapertorlugit piginnaatinneqassasoq, Royal Arctic Linemik, ingerlatseqatigiiffiup 2022-p naanissaata tungaanut uuliamut tapiissutisartagaasa katillugit 30 mio. kr.-usut iluini annikillisinneqassasut, ukiup naatsorsuuteqarfiusup 2022-p naanerani aningaasat sinneruttut Nunatta Karsianut utertinneqartussaammata, • Royal Arctic Line-mik isumaqatigiissummut ukiuunerani pissamaatit nassiuqqareersimasut pisiarineqareersimasullu ilaatinneqassasut, • 2022-mi IST-mi angusassatut missingersuutit 30 mio. kr.-nik annikillisinneqassasut.”

Akuersissut tamanna tunngavigalugu Naalakkersuisut piginnaatinneqarput Royal Arctic Line A/S-imik isumaqatigiissusiornissamut, tassani ingerlatseqatigiiffiup 2022-mi qaammatini sisamani kingullerni kiassutsimut naleqqussakkanik (nillataartitat, tassunga ilanngullugit inuussutissat) avannamut assartuinermini uuliamut akigititanut tapiissutaasa appartinneqarnissaat siunertaralugu. Uuliamut akigititanut tapiissutit qaammatit tamaasa uuliamut akigititat nikerarnerat naapertorlugu RAL-ip assartuinermini akigititaannut ilanngullugit tapit naatsorsorneqartarput. Uuliap akiinut tapiissutit aningaasat naleerukkiartornerat nunanilu tamalaani uuliamut akigititat qaffakkiartornerat ilutigalugit qaffanneqarsimapput. Naalakkersuisut suliniuteqarnermikkut anguniagaraat, assartuinermini aningaasartuutaasartut tamarmiusut annikillisinneqarnissaat, pingaartumik inuussutissanik nunamut maanga eqqussuinermini taamalu akit qaffakkiartornerisa sunniutigisinnaasaannik pinaveersaartitsisoqassalluni.

Naalakkersuisut tamanna tunngavigalugu RAL-imik isumaqatigiissuteqarsimapput, isumaqatigiissut ataatsimiititaliamut nassiunneqarsimavoq. RAL-ip isumaqatigiissut naapertorlugu, usinik kiassutsimut naleqqussakkanik avannamut assartuisarnermi uuliap akiinut tapiissutit ullormit 1. oktober 2022 atuutilersumik 0 procentinngortippai. Usinut avannamut assartorneqartartunut allanut tunngatillugit aamma uuliap akiinut tapissut usinut kiassutsimut naleqqussarneqarsimasunit annikinnerusumik appartinneqarpoq.

RAL-imut isumaqatigiissummi aalajangersarneqarpoq, aningaasaliissutit 30 mio. kr.-usut sipporneqartassanngitsut, aningaasallu atorneqarsimannngitsut Nunatta Karsianut utertinneqartassasut. Piumasaqaat tamanna Aningaasaqarnermut Akileraartarnermullu Ataatsimiititaliamit akuerineqartoq, aningaasaliiffigineqarnissamik qinnuteqaatinit aalajangersimasunik atuisoqartannginnissaanik anguniagaqarneq eqqarsaatigalugu isigineqassanngilaq, aalajangersimasumilli siunertarisamik anguniagaqarnertut, tassalu nunami maani inuussutissat akiinut uuliamut akigititap qaffakkiartorneranit sunnerneqannginnissaat anguniagaalluni. Tassa nalinginnaasumik aningaasaliisarnermut inatsisitigut tunngaviusoq malillugu Naalakkersuisut pisussaapput, aningaasanik atuinerminni ileqqaarniarnissamut. Anguniagaq aningaasaliissuteqartup naatsorsuutigisaanit aningaasartuutikinnerulluni piviusunngortinneqarsinnaappat, Naalakkersuisut tamatuma qulakkeerneqarnissaa isumaginiassavaat.

Isumaqatigiissuteqarnermit qaammatit arlalialuit qaangiummata qujanartumik paasinarsivoq, aallaqqaammut ernumagineqarsimasutut uuliamut akigititat qaffappallaarsimannngitsut, usinillu kiassutsimut naleqqussakkanik avannamut assartuisarnermi uuliap akiinut tapiissut 0 procentinngortinneqaraluartoq, uuliap akiinut tapiissutit appartinneqarneranut RAL-ip annaasaanut matussutissatut aningaasartuutigineqarsimasut siunertarineqartumit annikinnerupput. Naalakkersuisut aningaasaliissutinik tamarmiusunik RAL-imut tunniussisimasuuppata, tamanna RAL-imut toqqaannartumik tapiissutit misinnarsimassagaluarpoq, taamalu Aningaasaqarnermut Akileraartarnermullu Ataatsimiititaliap aningaasaliissuteqarnissamut piumasaqaatitut akuerisaanut aamma Naalakkersuisut anguniagaannut akerliussagaluarluni.

Tamatuma saniatigut pissutsit immikkut ittut aningaasaliissutinit atuinerup aningaasaliissutinit annikinnerusimaneranut sunniuteqarsimapput.

”Namminersorlutik Oqartussat akinut pakkersimaarniarluni suliniutaasa aaqqissuussap ulloq 31/12 2022 naannerani killiffik” pillugu Aningaasaqarnermut Akileraartarnermullu ilisimatitsissummi ulloq 10. marts 2023 Aningaasaqarnermut Akileraartarnermullu Ataatsimiititaliamut nassiunneqarsimasumi nassuiaatigineqarsimasutut, RAL-imi suliniummik ingerlatsinermi annikinnerusumik kukkusoqarsimavoq: Ilisimatitsissummi allassimavoq: ”Kukkunersiuisut november 2022-mut atatillugu akiligassiinermi kukkusoqarsimasoq paasisimavaat. RAL-imit uuliamut aningaasallu nikerarnerinut tapiissutissat qaammammi pineqartumi annikinaarlugit naatsorsorneqarsimapput.

RAL taamaalilluni qaammammut matumunnga atatillugu 1.680.827,55 kr.-nik Namminersorlutik Oqartussanit piumasakippallaarsimavoq. Atuisimaneq aalajangersimasoq siuliani pineqartoq taamaammat 1,68 mio. kr.-nik annerusimasariaqaralarpoq. Kukkusimanerli naatsorsuutitigut RAL-imut ataavartumik kingunerluuteqassanngilaq, uuliamummi aningaasallu nikerarnerannut tapiissutit iluarsineqartuarneratigut piffissap ingerlanerani amigartoorutaasoq nalimassarneqartarmat. Naatsorsuinermi kukkusoqarsimaneq taamaalilluni RAL-ip sullitaasa piffissap ingerlanerani akilissavaat, tassa RAL-ip uuliamut aningaasallu nikerarnerannut tapiissutaasa ilaattut. RAL-imit naatsorsorneqarsimavoq, 2023-mi qaammatini arfinilinni sullitat uuliamut aningaasallu nikerarnerannut tapiissutitut 0,43 procentimik nalinginnaasumit akiliuteqarnerussapput.”

30 Meeqqanut, Inuusuttunut Ilaqutariinnullu Naalackersuisoqarfik

Konto pingaarneq	Qulequtaq
30.10.37	Nuna tamakkerlugu meeqqanut inuusuttunullu ulloq unnuarlu paaqqinniffiit
Kukkunersiuinermut Ataatsimiititaliap Oqaaseqaatai/apeqqutai	<p>Aallaqqaasiutigalugu Naalackersuisut akissutaannut ataatsimiititaliaq qujavoq. Tamatumunnga uiggiullugu Naalackersuisut akissutaanni pissutsit ersarluttumik allaqqasut ataatsimiititaliamit nassuiaateqarfigeqquneqarput. Ilutigisaanillu immikkoortortap iluani pissutsit paasisaqarfiginerunissaat ataatsimiititaliamit pisariaqartinneqarpoq, taakkualu apeqqutit ataani allassimasut atorlugit qulaajaqquneqarput.</p> <p>c) Naatsorsuutit pillugit nassuiaatini ima allaqqasoqarpoq: ”Akigititanik iluarsaassisoqarnikuuvoq, tassani ineqartut ilinniartut pillugit kommunit akiliivallaartinneqartarsimallutik.” Ataatsimiititaliamit ukua pillugit nassuiaasoqarnissaa pisariaqartinneqarpoq 1) tamanna qanorpiaq isumaqarpa, kiisalu 2) tamanna ilaatigut Namminersorlutik Oqartussanut, kommuninut aammalu ulloq unnuarlu paaqqinnittarfinnut qanoq kinguneqartissanganinneqarpa. Tamanna pillugu naatsorsuutit pillugit nassuiaatinut Naalackersuisut oqaaseqaataasa aammalu ataatsimiititaliap apeqqutaa a. pillugu Naalackersuisut akissuteqaataasa imminnut ataqatigiinnerat pillugu nassuiaasoqarnissaa ataatsimiititaliamit kissaatigineqarpoq, taakkua massakut isikkuminni imminnut ataqatigiinngitsutut isikkoqarmata. Ataatsimiititaliamit ingammik immikkut maluginiarneqartoq unaavoq, ataatsimiititaliap apeqqutaanut Naalackersuisut akissuteqarnerminni naggataatigut ima allassimammata: ”Akiliutigineqartartoq naammattanngilaq, inuusuttormi ulloq unnuarlu paaqqinnittarfinniitinneqartoq ilinniarfinniinnermini ineriartornissaminut ilinniagaqarnissaminullu aamma imminut ikiorsinnaalernissaminut aningaasanik amerlanerusunik pisariaqartitaqartarpoq. Tassa kommunit annertuallaamik akileeqqusineq ajorput.”, tamanna naatsorsuutit pillugit nassuiaatinut Naalackersuisut oqaaseqaataat naapertorlugu imminnut akerleriittutut nipeqarpoq.</p> <p>d) 2022-mi atuinerup 2023-mut akigitat qanoq sunniuteqarfigisimanerai pillugit ataatsimiititaliap paasisaqarnissani soqutigaa. Apeqqummut ilassutitut apeqqutit ataaniittut e. aamma f. ilaatigut maluginiaqquneqarput.</p> <p>e) Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 50, 31. august 2021-meersumi §49 kiisalu Inatsisartut Inatsisaanni nr. 20, 26. juni 2017-imeersumi kapitali 15 aallaavigalugit ataatsimiititaliamit nassuiaateqarfigeqquneqarpoq Naalackersuisut kommunit suleqatigalugit meeqqanut inuusuttunullu nuna tamakkerlugu ulloq unnuarlu angerlarsimaffiit aningaasaqarnikkut ingerlatsinerat akisussaassuseqartumik pinissaa qulakkeerniarlugu qanoq sulissuteqarnersut.</p> <p>f) Soorlu §37 aallaavigalugu apeqquteqaammi nr. 095-2023-mi allaqqasoq, susassaqarfiup iluani aningaasartuutit qaffakkiartorneri kommuninit malugineqarpoq, taamaammat ataatsimiititaliamit</p>

	<p>paaserusunneqarpoq Naalakkersuisut ajornartorsiummut qanoq isummersuuteqarnerisut. Tassungalu ataatsimiititaliamit paaserusunneqarpoq akigititat pillugit ukiumoortumik isumaqatiginninniarnertit aqutitigalugit qanoq ajornartorsiut aaqqiiviginiarneqassanersoq.</p> <p>Naggataatigut ataatsimiititaliamit Naalakkersuisunut kaammattuutigineqassaaq susassaqrarfiup iluani aningaasaqarnermut tunngasut pillugit ilisimatitsissutaasinnaasunik imaluunniit erseqqissaataasinnaasunik allanik paasissutissiissuteqaqqullugit.</p>
Akissut	<p>c)-mut</p> <p>1) Avannaata Kommuniata meeqqat angerlarsimaffiup avataanut inissinneqarsimasut pillugit iliuusissatut pilersaarutinik misissuinerminut atatillugu paasisimavaa, meeqqat angerlarsimaffiup avataanut inissinneqarsimasut ilaat illoqarfimmi allami ilinniagaqartut. Tamatuma malitsigisaanik Avannaata Kommunianit Isumaginninnermi Aqutsisoqarfik piumaffigineqarpoq,</p> <p>2019-imiit siumut meeqqat illoqarfimmi allami ilinniagaqartut pillugit akiliutaasimasunik utertitsissasoq. Isumaginninnermi ikiorsiissutit tunniunneqartartut pillugit akigititanut kaajallaasitami allassimavoq, illoqarfimmi allami ilinniagaqaraanni ulloq unnuarlu akigititassat 140 kr.-nut appartinneqassasut. Meeqqanut ulloq unnuarlu paaqqinnittarfimmik pilersitsineq ingerlatsinerlu pillugit Namminersorlutik Oqartussat nalunaarutaanni nr. 1, 25. januar 2019-imeersumi § 51 naapertorlugu akigititassat aalajangersarneqartarput.</p> <p>Nalunaarutip eqqortumik paasineqarsimasinnaanera qularnarpoq, taamanikkulli aalajangerneqarsimavoq kommunit aningaasanik utertitseqqusisimanerata ilaanik akuersaartoqassasoq.</p> <p>Meeqqat ulloq unnuarlu paaqqinnittarfimmut inissinneqarsimasut illoqarfimmi allami ilinniagaqalerussat, soorlu ilinniarnertuunngorniarfimmi, tapersersorneqarnissamik suli annertuumik pisariaqartitsisussaapput. Meeraq ilinniagaqaleraangami imaanngilaq angajoqqaaminut angerlarnissamat piareersimasoq, taamaammat meeqqat ulloq unnuarlu paaqqinnittarfimmut attuumassuteqarnera tunngavigalugu ulloq unnuarlu paaqqinnittarfimmi sulisut meeqqap pisariaqartitaanut tapersersuillutillu malinnaanissaat suli pisariaqartinneqartarpoq. Tamatuma malitsigisaanik assersuutigalugu meeraq atuannigfeqarnermini / sapaatip-akunnerata naanerani sivisunerusumik atuanniginnermini ulloq unnuarlu paaqqinnittarfimmiittarpoq. Taamaammat akiliutigineqartartut aaqqiissutissatut naammattanngillat, akiliutigineqartartummi meeqqap/inuusuttup ilinniarnerni tapersersorneqarnissamik pisariaqartitaanut naammattannginnamik.</p> <p>Akiliutigineqartartut ulloq unnuarlu paaqqinnittarfiup ungasianiit meeqqamut tapersersuineranut matussusiisussaapput, soorlu assersuutigalugu meeqqap angerlarsimaffiup avataanut inissinneqarsimannigitsup ilinniagaqarnermi angajoqqaaminut attaveqartarnera assigalugu.</p> <p>2019-imiit 2021-mut akiliutigisimasamik utertitsineq 2022-mut naatsorsuutitut artukkersuutaavoq.</p>

	Ukioq	Aningaasartai
	2019	310.246
	2020	1.946.381
	2021	2.796.106
	2019-imiit 2021-mut akiligassiissut nutaq	-2.105.000
	<u>2022-mi immikkut katillugit akiligassat</u>	<u>2.947.733</u>
	<p>d)-mut Namminersorlutik Oqartussat ulloq unnuarlu paaqqinnittarfiutaannut akigititassat ukiut tamaasa kommuninut isumaqatiginninniutigineqartarput, kingusinnerpaamillu oktobarip 15-iani isumaqatigiissutaareersimasussaallutik. Taamaalilluni ukiup tulliani Aningaasanut inatsisissap aappassaaneerlugu suliarineqarneranut atatillugu ulloq unnuarlu paaqqinnittarfiit ataasiakkaat missingersuutaat ilanngunneqarsinnaasarput.</p> <p>Piffissami pineqartumi ukiumut qanoq angusaqartoqarnissaa ilisimaneqarneq ajormat, isumaqatigiissutaasimavoq atuinikinnerussutaasimasut atuivallaarutaasimasulluunniit naatsorsuusionerup naammassinerata kingorna ukiut marluk qaangiukkaagata aatsaat akigititanut ilanngunneqartarnissaat. Taamaammat 2022-mi atuinerussutaasimasut atuinikinnerussutaasimasulluunniit 2023-mut pinnani 2024-mulli akigititassanut aatsaat ilanngunneqassapput.</p>	

Konto pingaarneq	Qulequtaq
30.10.49	Sumiginnaasarnernut isumaginninnikkut suliniutit
Kukkunersiuinermut Ataatsimiititaliap Oqaaseqaatai/apeq qutai	Aallaqqaasiutigalugu Naalakkersuisut akissutaannut immikkoortortamut paasisimasaqarnerulersitsisumut ataatsimiititaliaq qujavoq. Ataatsimiititaliap sulineranut atugassatut suliassaqarfimmi 30.10.49-mi sumiginnaasarnernut isumaginninnikkut suliniutit pillugit Kalaallit Nunaata aamma Danmarkip akornanni isumaqatigiissutaasimasooq pillugu isumaqatigiisummut tunulequtap nassiunneqarnissaa ataatsimiititaliamit kissaatigineqarpoq. Tamatuma saniatigut missingersuutinik aqutsinissamut pilersaarummik saqqummiisoqarnissaa ataatsimiititaliamit kissaatigineqarpoq, tassani takutinneqassalluni aningaasat qanoq agguataarneqarsimanersut.

Akissut

Tabel 1: Regnskab 2022 (mio. kr.) for grønlandsk-dansk tværgående arbejde for en styrket indsats for udsatte børn og unge i Gr

	Budget 2022 DK midler	Forbrug af bidrag fra DK	Differens mellem budget og forbrug	Budget 2022 GRL midler	Forbrug af bidrag fra GRL	Differens mellem budget og forbrug	Afvigelsesforklaringer på differens regnskab 2022
Ny afd.*	3,85	4,22	-0,37	0,74	0,63	0,11	Der har været ekstra udgifter til boliger og
Init. 1	2,27	2,42	-0,15	0,43	0,00	0,43	
Init. 2	1,55	1,55	0,00	0,30	0,30	0,00	
Init. 3	1,82	2,26	-0,44	0,35	0,00	0,35	
Init. 4	1,27	1,83	-0,56	0,24	0,00	0,24	Initiativ 4 har anmodet om 300.000 yderligere instruktionsvideoer.
Init. 5	0,00	0,00	0,00	0,00	0,70	-0,70	
Init. 6	4,99	3,71	1,28	0,95	0,12	0,83	Nogle kommuner har udskudt implementeringen af 2023. Derfor er forbruget mindre.
Init. 7	0,53	0,51	0,02	0,10	0,00	0,10	
Init. 8	2,19	1,84	0,35	0,42	0,48	-0,06	1 kommune har ikke ansøgt om midler og bruger ikke sit fulde budget.
Init. 9	0,53	0,58	-0,05	0,10	0,07	0,03	
Init. 10	5,72	5,98	-0,26	1,09	0,76	0,33	
Init. 16	2,12	1,94	0,18	0,41	0,00	0,41	Der har været en ubesat stilling i slutning af folketingsåret, derfor har der været mindre forbrug.
I alt	26,84	26,84	0,00	5,14	3,06	2,08	

Naalakkersuisoqarfimmum taamanikkum nalunaarutigineqarpoq, danskit aningaasanut inatsisaatigut ukiut sisamat sinnerlugit atugassanik, 2020-2030, 80 mio. kr.-nik immikkoortitsisoqarsimasooq, tassani aamma Kalaallit Nunaanni meeqqat inuusuttullu atugarliortut suliniuteqarfigineqarnerat nukittorsarniarlugu Kalaallit-danskit suleqatigiissutissaanni allasimasutut suliniummut tamarmiusumut kalaallit immikkoortitsisimapput. Kalaallit-danskit suleqatigiissitaat missingersuutissanik aalajangersaasimapput, missingersuutit kalaallit-danskit aqutsisoqatigiivisa siuttuinit isumaqatigiissut malillugu naleqqussarneqartarlutillu akuerineqartussaapput. Tabeli 1 manna 2022-mut naatsorsuutininik takutitsivoq

Danskit 2024-mut aningaasanut inatsisissatut siunnersuutaanni, imm. 15.26.26-mi (oqaasertaliussaq 111) 2021-mut, 2022-mut 2023-mullu aningaasaliissutit takuneqarsinnaapput. Tassunga atatillugu oqaatigineqassaaq, aningaasat ilaat danskit isumaginninnermi aqutsisoqarfianut suliniummi tamarmiusumi suliasat ilaannik isumaginnittussamut immikkoortinneqarsimammata.

Konto pingaarneq	Qulequtaq
30.13.41	Innarluutilinnut angerlarsimaffiit
Kukkunersuinermit Ataatsimiititaliap Oqaaseqaatai/apeqqutai	Aallaqqaasiutigalugu Naalakkersuisut akissutaannut ataatsimiititaliaq qujavoq. Naalakkersuisut ima allapput: "Akigititassat ukiup siuliani angusat tunngavigalugit naatsorsorneqartarput. Taamaammatt 2022-mi atuinerusimaneq 2024-mi akigititassap qaffanneqarneranut ilaatinneqassaaq." Ataatsimiititaliamit erseqqissaassuteqarfigeqquneqarpoq, 2022-mi atuinerusimaneq 2023-mi akigititassamut ilanngunneqarnissaa pineqannginnersoq? Taamaassimassappat ataatsimiititaliamit paaserusunneqarpoq 2022-mi atuinerusimaneq 2023-mut akigititassat qanoq sunniuteqarfigisimanerai – tassunga ilanngullugu ingammik akigititanik allanngineq Namminersorlutik Oqartussanut, kommuninut innarluutilinnullu angerlarsimaffinnut qanoq isumaqarsimanersoq.

Akissut	<p>Namminersorlutik Oqartussat ulloq unnuarlu paaqqinnittarfiutaannut akigititassat ukiut tamaasa kommuninut isumaqatiginninniutigineqartarput, kingusinnerpaamillu oktobarip 15-iani isumaqatigiissutaareersimasussaallutik. Taamaalilluni ukiup tulliani Aningaasanut inatsisissap aappassaaneerlugu suliarineqarneranut atatillugu ulloq unnuarlu paaqqinnittarfiit ataasiakkaat missingersuutaat ilanngunneqarsinnaasarput.</p> <p>Piffissami pineqartumi ukiumut qanoq angusaqartoqarnissaa ilisimaneqarneq ajormat, isumaqatigiissutaasimavoq atuinikinnerussutaasimasut atuvallaarutaasimasulluunniit naatsorsuusiernerup naammassinerata kingorna ukiut marluk qaangiukkaagata aatsaat akigititanut ilanngunneqartarnissaat. Taamaammatt 2022-mi atuinerussutaasimasut atuinikinnerussutaasimasulluunniit 2023-mut pinnani 2024-mulli akigititassanut aatsaat ilanngunneqassapput.</p>
---------	--

31 Isumaginninnermut Sulisoqarnermullu Naalackersuisoqarfik

Konto pingaarneq	Qulequtaq																																						
31.03.12	Isumaginninnikkut isumannaarinerit, Isumaginninnikkut Isumannaarinerit pillugit Nunat Avannarliit Isumaqatigiissutaat																																						
Kukkunersiunermit Ataatsimiititaliap Oqaaseqaatai/apeqqutai	Aallaqqaasiutigalugu Naalackersuisut akissutaannut ataatsimiititaliaq qujavoq, tassanngaanniit ataatsimiititaliamit atuarneqarsimalluni Naalackersuisut susassaqaqfirmik ukkatarinnittut, ingammik inuiaqatigiit allaaserisaanerata ineriartornerata aningaasaliissutit annertussusaannik siunissami tatisimannilersitsissanersoq eqqarsaatigalugu. Tassunga atatillugu Isumaginninnikkut Isumannaarinerit pillugit Nunat Avannarliit Isumaqatigiissutaat naapertorlugu isumannaariniarnermi ikiorsiissutit tunniunneqartartut agguataarneqarnerat ataatsimiititaliamit paasisimasaqaqfiginerulernissaa kissaatigineqarpoq. Ilutigisaanik pisartagaqartut 2021-mi aamma 2022-mi aqqissuussamut ilaasimasut inuiaassutsitigut agguataarneqarsimanerat ataatsimiititaliamit paasissallugu soqutigineqarpoq.																																						
Akissut	<p>Naalackersuisut ilisimatitsissutigisinnaavaat, isumannaariniarnermi ikiorsiissutit tunniunneqartartut nunanut december 2021-p naanerani agguataarneqarnerat tabelimi tulliuuttumi takuneqarsinnaasoq imatut isikkoqartoq:</p> <table border="1"> <thead> <tr> <th></th> <th>Inuit amerlassusaasa katinnerat</th> </tr> </thead> <tbody> <tr> <td>Siusinaartumik pensionit 2021</td> <td></td> </tr> <tr> <td>Norge</td> <td>9</td> </tr> <tr> <td>Island</td> <td>4</td> </tr> <tr> <td>Sverige</td> <td>2</td> </tr> <tr> <td>Spanien</td> <td>1</td> </tr> <tr> <td>Tuluit Nunaat</td> <td>1</td> </tr> <tr> <td>Pingaarnertut inerniliussat</td> <td>17</td> </tr> </tbody> </table> <table border="1"> <thead> <tr> <th></th> <th>Inuit amerlassusaasa katinnerat</th> </tr> </thead> <tbody> <tr> <td>Utoqqalinersiat 2021</td> <td></td> </tr> <tr> <td>Sverige</td> <td>83</td> </tr> <tr> <td>Norge</td> <td>69</td> </tr> <tr> <td>Spanien</td> <td>8</td> </tr> <tr> <td>Frankrig</td> <td>5</td> </tr> <tr> <td>Tyskland</td> <td>4</td> </tr> <tr> <td>Island</td> <td>2</td> </tr> <tr> <td>Tuluit Nunaat</td> <td>2</td> </tr> <tr> <td>Belgien</td> <td>1</td> </tr> <tr> <td>Danmark</td> <td>1</td> </tr> </tbody> </table>		Inuit amerlassusaasa katinnerat	Siusinaartumik pensionit 2021		Norge	9	Island	4	Sverige	2	Spanien	1	Tuluit Nunaat	1	Pingaarnertut inerniliussat	17		Inuit amerlassusaasa katinnerat	Utoqqalinersiat 2021		Sverige	83	Norge	69	Spanien	8	Frankrig	5	Tyskland	4	Island	2	Tuluit Nunaat	2	Belgien	1	Danmark	1
	Inuit amerlassusaasa katinnerat																																						
Siusinaartumik pensionit 2021																																							
Norge	9																																						
Island	4																																						
Sverige	2																																						
Spanien	1																																						
Tuluit Nunaat	1																																						
Pingaarnertut inerniliussat	17																																						
	Inuit amerlassusaasa katinnerat																																						
Utoqqalinersiat 2021																																							
Sverige	83																																						
Norge	69																																						
Spanien	8																																						
Frankrig	5																																						
Tyskland	4																																						
Island	2																																						
Tuluit Nunaat	2																																						
Belgien	1																																						
Danmark	1																																						

	<p>Finland 1</p> <p>Holland 1</p> <p>Schweiz 1</p> <p>Slovenien 1</p> <p>Østrig 1</p> <hr/> <p>Pingaarnertut inerniliussat 180</p> <p>Naalackersuisut 2022-p naanerani paasissutissanik suliaqarnerminni paasissutissaatit naammangitsut paasisimavaat. Naalackersuisut 2022-p naanerani kisitsisitigut paasissutissat kissaatigineqartut 2023-mi novembarip aallartinnerani nassiunneqarnissaat siunertarlugu paasissutissat eqqortunngortinniarlugit suliaqarlutik aallartissimapput.</p> <p>Naalackersuisunit naatsorsuutigineqarpoq paasissutissat 2022-meersut takutissagaat, utoqqaat amerliartornerisa malitsigisaannik aningaasat tunniunneqartartut amerlanersaat utoqqalinersiutilinnut tunniunneqarnerusartut.</p>
--	--

Konto pingaarneq	Qulequtaq
31.07.03	Nuttarnerulersitsiniarluni aningaasaliissutit
Kukkunersiuinermut Ataatsimiititaliap Oqaaseqaatai/apeqqutai	Aallaqqaasiutigalugu Naalackersuisut akissutaannut ataatsimiititaliaq qujavoq. Akissuteqaammi ima allaqqavoq, suliffeqarfinni nuttarsinnaanermut periarfissanik pitsaanerusumik iluaquteqarnissap qulakkeernissaanut atatillugu pissutsit suut allanngortinneqarsinnaaneriniq naliliinissaq siunertarlugu aqqissuussineq pillugu malittarisassatigut tunngaviit Naalackersuisunit misissorlugit suliarineqassasut. Tassunga atatillugu ataatsimiititaliamit paaserusunneqarpoq, 1) sumi aqqissuussap nalimmassarneqarnissaa Naalackersuisunit pisariaqartissorineqarneris, kiisalu 2) suliniutit taakkua nutaat suliffeqarfinni nuttarsinnaanermut qanoq ajunngitsumik sunniuteqarnissaat Naalackersuisunit sortaatigut takuneqarsinnaanersaq.
Akissut	<p>Ilitsersuutissaq nutaaq 2023-mi juulip qaammataata qiteqqunnerani akuerineqarpoq. Pingaarnertut allannguutaasoq tassaavoq, piffissami aalajangersimasumi sulisartut nuttarnerulersitsiniarluni aningaasaliissutinik ajornannginnerusumik pissarsinnaalernissaat.</p> <p>Siusinnerusukkut ilitsersuutaasumi piumasaqaataavoq, piffissami aalajangersimasumi sulisartut nuttarnerulersitsiniarluni aningaasaliissutinik pissarsissagunik minnerpaamik qaammata pingasuni suliffissaaleqisimasuunissaat. Ilitsersuut naleqqussarneqarpoq, qaammammi ataatsimi suliffissaaleqisimagaanni nuttarnerulersitsiniarluni aningaasaliissutinik pissarsinnaasoqalersillugu.</p> <p>Ukiuni kingusissukkut akuersissuteqarnermut pissutaavoq, piffissami aalajangersimasumi sulisartut nuttarnerulersitsiniarluni aningaasaliissutinik</p>

	tapiiffigineqarnissamik qinnuteqartussat 2024-mi upernaajunerani/aasaanerani amerlanerulernissaannik naatsorsuuteqarnek.
--	---

Konto pingaarneq	Qulequtaq																																
31.07.07	Majoriaq																																
Kukkunersuinermit Ataatsimiititaliap Oqaaseqaatai/apeqqtai	Aallaqqaasiutigalugu Naalakkersuisut akissutaannut ataatsimiititaliaq qujavoq. Ataatsimiititaliamit eqqaasitsissutigineqassaaq ilinniartut pillugit kisitsisit suli Naalakkersuisunit malinnaatillugit nassiunneqanngimmata.																																
Akissut	<p>Naalakkersuisunit ajuusaarutigineqarpoq, ilinniartut pillugit kisitsisit siusinnerusukkut nassiunneqarsimannginnerat. Naalakkersuisut qarasaasiatigut nalunaarsuiffimmi marloriarluni nalunaarsuinissamik teknikkikkut ajornartorsiuteqartoqarnera pissutigalugu aatsaat qanittumik ilinniartut pilugit kisitsisinik atorneqarsinnaasunik suliaqarsinnaalersimapput.</p> <p>Tabel 1: Ukiuni ilinniarfiusuni 2020-2023-ni ilinniagaqartut amerlassusaasa agguataarsimanerat.</p> <table border="1"> <thead> <tr> <th></th> <th>2020-21</th> <th>2021-22</th> <th>2022-23</th> </tr> </thead> <tbody> <tr> <td>AI</td> <td>493</td> <td>331</td> <td>331</td> </tr> <tr> <td>Atuagarsornerunngitsumik</td> <td>73</td> <td>82</td> <td>91</td> </tr> <tr> <td>Sullivik</td> <td>99</td> <td>39</td> <td>45</td> </tr> <tr> <td>Sulinermut sungiusarneq</td> <td>116</td> <td>49</td> <td>61</td> </tr> <tr> <td>NUIKI</td> <td>2</td> <td>7</td> <td>44</td> </tr> <tr> <td>SIU-STIU</td> <td>0</td> <td>0</td> <td>16</td> </tr> <tr> <td>Katillugit</td> <td>783</td> <td>508</td> <td>588</td> </tr> </tbody> </table> <p>Paasisaqarfik: Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik</p>		2020-21	2021-22	2022-23	AI	493	331	331	Atuagarsornerunngitsumik	73	82	91	Sullivik	99	39	45	Sulinermut sungiusarneq	116	49	61	NUIKI	2	7	44	SIU-STIU	0	0	16	Katillugit	783	508	588
	2020-21	2021-22	2022-23																														
AI	493	331	331																														
Atuagarsornerunngitsumik	73	82	91																														
Sullivik	99	39	45																														
Sulinermut sungiusarneq	116	49	61																														
NUIKI	2	7	44																														
SIU-STIU	0	0	16																														
Katillugit	783	508	588																														

34. Peqqissutsimut Naalakkersuisoqarfik

Konto pingaarneq	Qulequtaq
34.01.02	Napparsimasunut taarsiineq
Kukkunersiuinermut Ataatsimiititaliap Oqaaseqaatai/apeqqutai	Aallaqqaasiutigalugu napparsimasunut taarsiisarnermut susassaqarfimmi takussutissaatit nassiunneqartut pillugit ataatsimiititaliaq qujavoq. Tabelit marluk nassiunneqartut akornanni suliat ammasut amerlassusiisa qaffariaateqarsimanagerat ataatsimiititaliamit maluginiarneqarpoq ilutigalugulu suliat naammassineqareersut amerlassusii ikileriaateqarsimasut. Tamanna tunngavigalugu ataatsimiititaliamit soqutigineqarpoq paasissallugu taamatut ineriartornermut suna pequtaasimanersoq. Napparsimasut arlallit Peqqinnissaqarfimmit kukkusumik sullinneqartarsimasut ilutigisaanillu aamma arlallit suliap aalajangiiffigineqarnissaanik utaqqisartut ataatsimiititaliamut paasinarsisimavoq.
Akissut	Tabel 2-mi takuneqarsinnaavoq, 2022-miit 2023-mut suliassat nutaat amerlanerulersimasut. Taamaammatt kukkunersiuinermut ataatsimiititaliamit oqaatigineqartoq ilumoortoq tassaavoq, siusinnerusukkut napparsimasimasut amerliartuinnartut kukkusumik katsorsarneqarsimallutik isumaqartut, taamaammallu naammagittaalliuuteqarsimasut. Tamatumunnga peqatigitillugu 2020-miit 2022-mut suliat naammassineqarsimasut ikinnerulersimapput, tamatumunnga pissutaavoq suliat piffissami pineqartumi ingerlanneqarsimasut agguaqatigiissillugit pisariunerulersimanagerat. Kukkunersiuinermut ataatsimiititaliamit oqaatigineqarpoq, tamatuma kinguneranik suliakkiisimasut amerlasuut suliakkiussamik ingerlanneqarnissaannik utaqqisalersimapput.

40 Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik

Konto pingaarneq	Qulequtaq
40.40.01	Ilinniartitaanermut Aqutsisoqarfik
Kukkunersiuiner Ataatsimiititaliap Oqaaseqaatai/apeqqutai	<p>Aallaqqaasiutigalugu Naalakkersuisut akissutaannut ataatsimiititaliaq qujavoq. Akissummi ataatsimiititaliap atuarsinnaavaa Ilinniartitaanermut Aqutsisoqarfik suliassanik naalakkersuinikkut aalajangiiffigineqarnikunik arlalinnik aningaasaliissutitaqanngitsunik suliakkiivigineqartarsimasoq. Ukiuni kingullerni pingasuni susassaqrifiup iluani aningaasaliissutaasartut 2,9 mio. kr.-nik annikilliliiffigineqarsimapput, tamannalu Ilinniartitaanermut Aqutsisoqarfimmi suliassanik kivitsiniarnermut suli ajornamerulersitsisimavoq. Ataatsimiititaliaq Naalakkersuisunit nassuiaammik perusuppoq, tassani takutinneqassalluni 1) Ilinniartitaanermut Aqutsisoqarfimmut suliassat nutaat suut qanorlu amerlatigisut aningaasaliissutitaqanngitsut aammalu/imaluunniit aningaasaliissutaareersunut ilanngullugit suliassatut suliakkiutigineqarsimanersut kiisalu 2) 2022 ingerlanerani Ilinniartitaanermut Aqutsisoqarfimmi suliassanik agguataarineq qanoq Naalakkersuisunit pingaarnersiorfigineqarsimanersoq.</p>
Akissut	<p>Apeqqut 1-imut akissuteqaat: Suliassatut nutaatut pineqarnerusut tassaapput ”Pimmatiginnittarneq akiorniarlugu periusissiaq - Meeqqanut suli atualinngitsunut imikkoortortaqrfinni, meeqqat atuarfianni kiisalu inuusuttut ilinniarfiini” – UPA2019-imi oqaluuserisassani nr. 43 Inatsisartut aalajangiiffigisaat. Nuna tamakkerlugu ataqatigiissaarisooqarnissaanut missingersuutissatut missingiussami takuneqarsinnaasutut (q. 34), suliniut atuutsilerniarlugu suliassaq ukiut pingasut ingerlaneranni 11.325.000 kr.-nik naleqassasoq – tassa ukiumut 3.775.000 kr.-qartassalluni. Ilinniartitaanermut Aqutsisoqarfik suliassap isumagineqarnissaanut suliniutillu atuutsinneqalernissaannut ulloq naallugu sulisartussanik marlunnik isumaginnissimavoq. Suliassaq tamanna aningaasaliissutinik ilasinngikkaluarluni Ilinniartitaanermut Aqutsisoqarfimmut isumagisassanngortinneqarsimavoq. Periusissiap atuutsikkiartuaarnera 2022-mi ukiakkut aallartinneqarpoq, atuutsitsiartuaarnerlu ukiut pingasut ingerlanneqassalluni.</p> <p>Inatsisartunittaaq Naalakkersuisut peqquneqarsimapput, Meeqqat, inuusuttut inersimasullu akornanni naqinnernik ilisarinnissinnaanngitsut atuarnissamillu allannissamillu ajornartorsiuteqartut ikiorniarlugit nuna tamakkerlugu iliuusissatut pilersaarummik suliaqassasut. Tamanna Inatsisartut 2021-mi ukiakkut ataatsimiinneranni oqaluuserisassat UKA2021/29, 47 aamma 73 sularineqarnerannut atatillugu aalajangiunneqarpoq. Iliuusissatut pilersaarusiortoqarnissaa Ilinniartitaanermut Aqutsisoqarfimmi ingerlanneqassaaq, aqutsisoqarfik suliassamut atatillugu ulloq naallugu sulisartussanik marlunnik isumaginnissimavoq. Suliassaq tamanna aningaasaliissutinik ilasinngikkaluarluni Ilinniartitaanermut Aqutsisoqarfimmut isumagisassanngortinneqarsimavoq. Suliassat</p>

	<p>allattorsimaffiannik suliaqarnissamut atuarnissamik allannissamillu ajornartorsiuteqartoqarnerata iluani suliassat allat pinartut naammassineqarnissaat utaqqimaarneqarsimapput, suliakkiissulli maanna Naalakkersuisumit akuerineqareerpoq. Aqutsisoqatigiinnik pilersitsisoqarpoq, iliuusissatullu pilersaarusiorneq aallartinneqareerluni.</p> <p>Apeqquut 2-mut akissuteqaat: Ilinniartitaanermut Aqutsisoqarfik, siuliani takuneqarsinnaasutut, politikikkut suliakkiissutit suliarineqarnissaannut atuarfimmi siunnersortitut atorfinnik sisamanik atuutsitsilersimavoq. Tamatuma ilaatigut malitsigisaanik, pikkorissarnissamut neqeroorutit ikilisinneqarsimapput. Atuarfimmi siunnersortinik, tassunga ilanngullugit atuarfimmi aqutsisunut siunnersortinik nutaanik atorfinitsitsiniarnerit kinguartinneqarsimapput, taamalu siunnersortit ikinnerusut amerlanerusunik suliassaqalersimallutik. Aamma Ilinniusiorfiup pilersaarutaasutut saqqummiussisarnissaa sipaaruteqarfigineqarsimavoq</p> <p>Aqutsisoqarfimmi aningaasatigut sukannersumik aqutsisoqarnera pissutigalugu pimmatiginnittarneq akiorniarlugu periusissiaq annikillisinneqarsimavoq. Assersuutigalugu ulluunerani paaqqinnittarfinni atuarfinnilu sulisut kingunerluutit pillugit katsorsarneqartarnissaannik periusissiami siunnersuutigineqartoq maannakkorpiaq piviusunngortinneqarsinnaanngilaq. Kiisalu Ilinniartitaanermut Aqutsisoqarfimmit sulisut piginnaasaannik ineriartortitsinissaq sipaarniarfigineqarsimavoq aamma pisortat sulisullu sulisut suleqatigiittarfiini, tassunga ilanngullugit isumasioqatigiinnernut ataatsimeersuarnernullu aamma ilinniartitsineq pillugu festivalinut peqataasinnaanerat annikillisinneqarsimapput.</p>
--	--

Konto pingaarneq	Qulequtaq
40.91.14	Imarsiornermik Ilinniarfik
Kukkunersiuinermut Ataatsimiititaliap Oqaaseqaatai/apeqqutai	Aallaqqaasiutigalugu Naalakkersuisut akissutaannut ataatsimiititaliaq qujavoq. Tassunga uiggiullugu ataatsimiititaliamit ilisimatitsissuteqarfigeqquneqarpoq suliniutit suut aallartisarneqarsimanersut siunissami taamatut ajornartooqqinnissaq pinaveersaartinniarlugu.
Akissut	Ilinniartitaanermut Naalakkersuisoqarfimmiu aningaasaqarnermut immikkoortortaqaqarfimmit Imarsiornermik Ilinniarfimmut nalunaarutigineqarsimavoq, ilinniarfiup aningaasaqarneranik eqqortumillu naatsorsuuserisoqarsimanersoq misissuisoqartassasoq.

Konto pingaarneq	Qulequtaq
40.91.16	Niuernermik Ilinniarfik, Nuuk
Kukkunersiuinermut Ataatsimiititaliap Oqaaseqaatai/apeqqutai	Aallaqqaasiutigalugu Naalakkersuisut akissutaannut ataatsimiititaliaq qujavoq. Tassunga atatillugu ukiuni kingullerni tallimani ukiup ataatsip iluani atorfiit inuttassarsiuussat amerlassusissaatut eqqoriarneqarsimasut pillugit takussutissap nassuunneqarnissaa ataatsimiititaliamit soqutigineqarpoq. Ilutigisaanillu ataatsimiititaliamit paaserusunneqarpoq atorfiit

	inuttassarsiuussassat amerlassusiisa aningaasatigut qanoq aningaasaliissutinik atuineq (atuinikinnerunermut) sunniuteqarfigisimaneraa.				
Akissut	Årstal			(Mindre-) forbrug (1.000 kr.)	Antal ubesatte stillinger
		Budget i finanslov	Regnskab i finanslov	(Mindre-) forbrug af bevilling	
	2018	19.479	17.006	2.473	2 inspektører 2 akademisk medarbejder
	2019	19.613	17.757	1.856	2 inspektører
	2020**	23.400	19.518	3.882	2 inspektører 1 uddannelseschef 1 kursusleder 1 akademisk medarbejder
	2021	23.400	18.717	4.683	2 inspektører 1 administrationschef 1 uddannelseschef 1 kursusleder 2 akademiske medarbejder
	2022	22.000	18.320	3.680	2 inspektører 1 uddannelseschef 1 administrationschef 2 akademiske medarbejdere
	<p>Niuernermik Ilinniarfimmi ukiuni kingullerni sulisussarsiniartarnikkut inissisimasoqartarnera atuarfimmi atuinikinnerunermut annertuumik sunniuteqarsimavoq, tak. takussutissiaq siulianiittoq. Tassunga atatillugu oqaatigineqassaaq, akissarsianut aningaasartuutit eqqarsaatigalugit pissutsit allat atuinikinnerunermut sunniuteqarsimasut, assersuutigalugu ataatsimut atuartitsinissamut periarfissat, ilinniartitsinermi isumalluutininik atuilluernerit kiisalu 2020-miit siumut piffissamut suliffiusussamut isumaqatigiissutip atuutsinneqalernissaanut atatillugu sipaaruteqarnerit. Ilangulluguttaaq ilisimatitsissutigineqassaaq, ilinniartitsisussaaleqineq avataanit ilinniartitsisunit matussuserneqarsimasoq, tassungalu atatillugu toqqaannartumik ilinniartitsinernut/tiimeqarsimanernut taamaallaat aningaasartuuteqartoqarsimalluni.</p>				

Konto pingaarneq	Qulequtaq
40.91.23	Campus Kujalleq
Kukkunersiuinermut Ataatsimiititaliap Oqaaseqaatai/apeqqutai	Aallaqqaasiutigalugu Naalakkersuisut akissutaannut ataatsimiititaliaq qujavoq ajunngitsutullu isigalugu CAK aningaasatigut aqutsinerat pillugu Naalakkersuisut sakkortunerusumik nakkutilliilersimmata. Ataatsimiititaliami sulinermi atugassatut Deloittep allakkiaata nassiunneqarnissaa ataatsimiititaliamit kissaatigineqarpoq.
Akissut	<p>Aningaasanut inatsisip kontuini ingerlatsinermut aningaasaliissutaasartunik malinninniarnermik ajornartorsiuteqangaatsiartoqarnera pissutigalugu Ilinniartitaanermut, Kultureqarnermut, Timersornermut Ilageeqarnermillu Naalakkersuisoqarfik oqartussaaffimmini aningaasaqarnermik aningaasaqarnermillu aqutsinermik misissuisoqarnissaa pillugu Deloittemut 2023-mi upernaakkut isumaqatigiissuteqarpoq.</p> <p>Deloittemit maannamut ”Aningaasaqarnermik aningaasaqarnermillu aqutsineq pillugit misissuineq” aamma ”Aningaasaliissutit annertussusaat,</p>

aningaasaqarnermik aqutsineq aamma ilinniartoqarfiit aalajangersimasut suleqatigineqarnerat pillugit misissueqqissaarneq” pillugit marloqiusanik nalunaarusiorsimavoq, nalunaarusiallu taakkua tunngavigalugit akigitat aamma ilinniartut amerlassusaat naapertorlugu aningaasalersuisarnerit naatsorsoqqinneqartarnerannut atatillugit pingajussaanic nalunaarusiortoqarnissaa eqqarsaatigineqarpoq.

Deloittemit Naalakkersuisoqarfik nalunaarusianut marlunnut siullernut kiisalu suliap ingerlateqqinneqarnissaa pillugu oqaluserisanut oqaaseqaqquneqarsimavoq, tamatumalu qaammammi matumani pinissaa naatsorsuutigineqarpoq.

Maannamut inaarutaasumik sulii nalunaarusiortoqanngilaq, tulliuuttumili Deloitte CAK kiisalu Deloitte inassuteqaatai pillugit inerniliukkallarsimasai saqqummiuteqqinneqarput:

”Campus Kujalleq pisortat suliffeqarfiutigaat namminersortoq, Nuummilu niuernerimik ilinniarfik peqatigalugu ataatsimoortumik siulersuisoqartoq. Campus Kujallermi ilinniagassatut neqeroorutini niuernerup allaffissornerullu kiisalu ilinniarnertuunngorniarnep iluini inuussutissarsiutitigut ilinniartitaanerit pineqarput.

Campus Kujallermi ukiuni kingullerni sinaakkutissatut aalajangersakkat iluini aningaasartuutissanik aqutsiniarneq ajornartorsiutaasimavoq. Campus Kujallermut missingersuutit aningaasanut inatsimmit aningaasaliissutaapput kiisalu nioqqutissianik kiffartuussinernillu tunisaqartarnermit attartortitsinermilu isertitanit pisuullutik. Ukiuni kingullerni aningaasaliissutaasartut aalaakkaasusimapput, isertitanilu nikingassutaasut isertitani allani assigiinngitsuneersuullutik.

Ukiuni kingullerni pingasuni atuisimaneq Campus Kujallermut aningaasaliissutit 10 pct.-iisa 13 pct.-iisalu akornanni annertunerusimavoq. Atuinerusoaqakulaarnerata aaqqissuussaanic unammillernartoqartoq takutippaa.

Kisitsisitigut paasissutissanik misissuisoqarsimanerata takutippaa, Campus Kujallermi ilinniarfinnut allanut tamanut sanilliullugu agguaqatigiissillugu aningaasarsiaqarnerusoqartoq, tassa sulisut tunngaviumik aningaasarsiaqarnerupput, ataasiartumik tapiissutisarnepput kiisalu suliaqarnerunermut aningaasartuuteqarnerusoqartarluni. 2022-mut aningaasanut inatsit naapertorlugu, Campus Kujallermi 70-inik sulisoqarpoq. Campus Kujallermi aningaasarsianut aningaasartuutit tamarmiusut 41,9 mio. kr.-upput, tassa sulisumut ataatsimut agguaqatigiissillugit 598.000 kr.-t missaanniittut.

Sulisut arfinillit 2022-mi 1 mio. kr.-t sinnerlugit aningaasarsiaqarsimapput, taamaammatt pineqartumi sulisutut

	<p>atorfillit 75 pct.-ii ukiumut 1 mio. kr.-t sinnerlugit aningaasarisarput. Taakku tamarmik sulinerunermut, ataasiartumik tapiissutisinerumut, allanik tapiissutisinerumut taakkulu pingasut ataatsimoortinnerini tunngaviusumik aningaasarsianit annertunerullutik. Taamaalillutik akissarsiaasa tamarmiusut 25 pct.-iisa 39 pct.-iisalu akornanni tunngaviusumik aningaasarsiaqarlutik.</p> <p>Sulisunut arfinilinnut pineqartunut qaffasissunik aningaasarsiaqartitsinerumut aningaasarsiallu qaffasissusaannut pissutaasut misissoqqinneqartariaqarput. Tassunga atatillugu ilinniartitsisut/atuartut qassiuneri, sumi nunami inissisimaneq atuarfiullu angissusaa eqqarsaatigineqartariaqarput.”</p> <p>Tamanna iluarsiiiffiginiarlugu Naalakkersuisoqarfimmit suliniutit siusinnerusukkut taaneqartut aallartinneqarsimapput - ilaatigut siulersuisut ataatsimeeqatigineqartarlutik (taakkunani qaffasippallaamik aningaasarsiaqartitsisarneq oqaatigineqartarluni) aamma qaammammut naatsorsuutit naammassineqarnerannut atatillugit aqutsisut qaammatikkaartumik ataatsimeeqatigineqartarput.</p> <p>Tassunga atatillugu oqaatigineqassaaq, 2023-mi atuinerusoqarsimanngitsaq aamma 2024-mi januaarimiit aggustimut ukiumoortumik aningaasaliissutinit 17,228 mio. kr.-usunit 9,962 mio. kr.-t atorneqarsimapput.</p>
--	--

Konto pingaarneq	Qulequtaq
40.95.01	Kultureqarnermut tapiissutit allat
Kukkunersiuinerumut Ataatsimiititaliap Oqaaseqaatai/apeqqutai	<p>Aallaqqaasiutigalugu Naalakkersuisut akissutaannut ataatsimiititaliaq qujavoq. Susassaqarfiup itinerusumik paasisimasaqarfigilernissaa ataatsimiititaliamit kissaatigineqarpoq, tamannalu apeqqutit tulliuuttut akineqarneritigut erseqqissaavigineqaaqquneqarpoq:</p> <ul style="list-style-type: none"> a) Eqqumiitsuliornermi Aningaasaateqarfimmut aningaasat nuunneqarsinnaasunit, takuuk kontomi pingaarnermi allagartaliunneqarsimasoq, taamaallaat 500.000 kr.-nit aningaasaliissutigineqarsimasut eqqumiitsuliornermi timersornermi aqqissuussanut peqataanissamut angalanermi aningaasartuusissanut Tapiissutinut naatsorsuussaasut ataatsimiititaliamit maluginiarneqarpoq. Tassunga qinnuteqaatit qassit Eqqumiitsuliornermi Aningaasaateqarfiup siulersuisuisa 2022-mi tiginikuuat suliaralugillu? b) Eqqumiitsuliornermut Aningaasaateqarfiup sulinera kontup pingaarnerup matuma ukiut tamaasa tapiissuteqarneratigut aningaasalersorneqarpoq. Taamatuttaaq 2022-mut aningaasanut inatsimmi ukiuni naatsorsuuseriffiusuni Kalaallit Nunaanni Eqqumiitsuliornermi Aningaasaateqarfik 8.357.000 kr.-nik aningaasaliiffigineqarpoq. <p>- Aningaasat taakkua 2022-mi qanoq atorneqarsimappat, aammalu eqqumiitsuliornermi aningaasaateqarfik ukiumoortumik allakkatigut nalunaarutinik naatsorsuutinillu tunniussisarnissaminik peqquneqarnikuu?</p>

	<p>- Eqqumiitsuliornermi aningaasaliissutinik qinnuteqaatit allatseqarfeqarnani suliarineqartarnissaat qanoq Naalakkersuisunit eqqumiitsuliornermilu aningaasaateqarfimmit qulakkeerneqarnikuua?</p> <p>Eqqumiitsuliornermi aningaasaateqarfimmi naatsorsuusiortumut aningaasaqarnermut tunngasunik isumaginnittussamut aningaasartuutissat Kalaallit Nunaanni Eqqumiitsuliornermi Aningaasaateqarfimmut aningaasaliissutinut qulaani allassimasunut ilaasimanissaat ataatsimiititaliamit naatsorsuutigineqarpoq. Allatut ingerlanneqartarsimassappat tamanna pillugu ataatsimiititaliaq ilisimatinneqarusuppoq.</p> <p>Isumaqatigiinnermut toqqammavik akuersissutigineqariarpat piaartumik nassiunneqarnissaa ataatsimiititaliamit piumasarineqarpoq.</p>																																
Akissut	<p>a. Timersornikkut aaqqissuussinernut eqqumiitsuliortut angalanerinut aningaasartuutit Ilinniartitaanermut, Kultureqarnermut, Timersornermut Ilageeqqarnermullu Naalakkersuisoqarfimmit aqunneqarput Naalakkersuisorlu tapiissuteqartartuulluni. Timersornikkut aaqqissuussinernut eqqumiitsuliortut angalanerinut aningaasartuutissanut 2022-mi qinnuteqaatit akuerineqartut pingasuupput.</p> <p>b. Kalaallit Nunaanni Eqqumiitsuliornermi Aningaasaateqarfik ukiumut nalunaarusiortussaataallunilu naatsorsuusiortussaataavoq. Aningaasaliissutit 2022-mi ima atorqeersimapput:</p> <table border="0"> <tr> <td colspan="2"><i>Indtægter</i></td> </tr> <tr> <td>Finanslov 40.95.01</td> <td>kr. 8.357.000,00</td> </tr> <tr> <td>I alt</td> <td><u>kr. 8.357.000,00</u></td> </tr> <tr> <td colspan="2"><i>Udgifter</i></td> </tr> <tr> <td>Kunstsilskud</td> <td>kr. 5.567.896,00</td> </tr> <tr> <td>Arbejdslegater</td> <td>kr. 2.584.605,65</td> </tr> <tr> <td>Tilskud i alt</td> <td><u>kr. 8.152.501,65</u></td> </tr> <tr> <td colspan="2"><i>Omkostninger</i></td> </tr> <tr> <td>Administration omko</td> <td>kr. 45.595,94</td> </tr> <tr> <td>Personale omkostnin</td> <td>kr. 141.080,61</td> </tr> <tr> <td>Andre omkostninger</td> <td>kr. 223,80</td> </tr> <tr> <td>Omkostninger i alt</td> <td><u>kr. 186.900,35</u></td> </tr> <tr> <td colspan="2"><i>Resultat</i></td> </tr> <tr> <td>Indtægter</td> <td>kr. 8.357.000,00</td> </tr> <tr> <td>Udgifter</td> <td>kr. 8.339.402,00</td> </tr> <tr> <td>Resultat 2022</td> <td><u>kr. 17.598,00</u></td> </tr> </table> <p>- Eqqumiitsuliornermut Aningaasaateqarfik (Grønlands Kunstfond) ulloq 1. 2022 Naalakkersuisut pilersippaat. Tamatuma kingorna Aningaasaateqarfik eqqumiitsuliornermut tapiissuteqartarsimavoq eqqumiitsuliortullu sulinerinut tapiissuteqartarsimalluni.</p>	<i>Indtægter</i>		Finanslov 40.95.01	kr. 8.357.000,00	I alt	<u>kr. 8.357.000,00</u>	<i>Udgifter</i>		Kunstsilskud	kr. 5.567.896,00	Arbejdslegater	kr. 2.584.605,65	Tilskud i alt	<u>kr. 8.152.501,65</u>	<i>Omkostninger</i>		Administration omko	kr. 45.595,94	Personale omkostnin	kr. 141.080,61	Andre omkostninger	kr. 223,80	Omkostninger i alt	<u>kr. 186.900,35</u>	<i>Resultat</i>		Indtægter	kr. 8.357.000,00	Udgifter	kr. 8.339.402,00	Resultat 2022	<u>kr. 17.598,00</u>
<i>Indtægter</i>																																	
Finanslov 40.95.01	kr. 8.357.000,00																																
I alt	<u>kr. 8.357.000,00</u>																																
<i>Udgifter</i>																																	
Kunstsilskud	kr. 5.567.896,00																																
Arbejdslegater	kr. 2.584.605,65																																
Tilskud i alt	<u>kr. 8.152.501,65</u>																																
<i>Omkostninger</i>																																	
Administration omko	kr. 45.595,94																																
Personale omkostnin	kr. 141.080,61																																
Andre omkostninger	kr. 223,80																																
Omkostninger i alt	<u>kr. 186.900,35</u>																																
<i>Resultat</i>																																	
Indtægter	kr. 8.357.000,00																																
Udgifter	kr. 8.339.402,00																																
Resultat 2022	<u>kr. 17.598,00</u>																																

	<p>Eqqumiitsuliornermut Aningaasaateqarfiup allatseqarnera Ilinniartitaanermit, Kultureqarnermit, Timersornermit Ilageeqqarnermullu Naalakkersuisoqarfimmi sulisunit Aningaasaateqarfimmilu ilinniartutut sulisunit isumagineqartarpoq. Eqqumiitsuliornermit Aningaasaateqarfiup siulersuisuisa nammineq allatseqarfeqalersinnaanermit periarfissat misissuleruttorpaat.</p>
--	--

62-64 Inuusutissarsiornermut Niuernermullu Naalackersuisoqarfik

Ataatsimiititaliamit isornarsorineqarpoq susassaqarfii 62-64 pillugit ataatsimiititaliap apeqqtai suli Naalackersuisunit akissuteqarfigineqarsimangitsut. Tamanna tunngavigalugu ukua nassiteqqinneqarput.

Konto pingaarneq	Qulequtaq
62.30.01	Atuisartoqarnermut Unammilleqatigiinnermullu Aqutsisoqarfik allaffissorneq
Kukkunersiuiinnermut Ataatsimiititaliap Oqaaseqaatai/apeqqtai	Annikinnerusumik atuisimaneq atorfiit inuttalersimanginnerinik tunngavilersorneqarpoq, taamaattumik tamanna suliassat naammassiniarnerinut qanoq kinguneqarsimanersoq ataatsimiititaliamit paasisaqarfigineqarusulluni.
Akissut	Tamanna Unammilleqatigiinnermut Nakkutilliisut sulinerinut kingunerlutsisimavoq. Niuferfinni misissueqqissaarnerit ingerlanneqarnissaanut nukissaqartoqarsimangilaq unammilleqatigiinnermullu tunngatillugu naammattumik nakkutilliisoqartarsimanani.

Konto pingaarneq	Qulequtaq
64.01.01	Nunanut Allanut, Inuusutissarsiornermut Niuernermullu Naalackersuisoqarfik
Kukkunersiuiinnermut Ataatsimiititaliap Oqaaseqaatai/apeqqtai	Annikinnerusumik atuneq atorfiit inuttaqannginnerinik tunngavilersorneqarpoq, taamaattumillu tamanna ukununga qanoq sunniuteqarsimaneranik ataatsimiititaliaq paasisaqarusulluni: <ul style="list-style-type: none"> a) Suliassamik naammassinnineq b) Nunanut allanut tunngasutigut niueqatigiinnerup annertusinnissaa pillugu Naalackersuisoqarfiup anguniagaanut
Akissut	<ul style="list-style-type: none"> a) Naalackersuisoqarfiup suliassaq naammassillugu suliarisimavaa suliassalli ilaat salliutikkunnaartariaqarsimallugit aammalu suliassat piffissaqarneraluni suliarisinnaaqullugit siammarsimallugit. b) Naalackersuisoqarfimmi atorfiit inuttaqanngitsut pissutigalugit piffissami pisoqarfijartuinnartumi sulisut nunanut allanut tunngatillugu suliassanik ulapputeqarsimaqaat. Tamanna nunanik allanik niueqateqarnerulernissamik sulianut sunniuteqarsimavoq. Tamatuma kingunerisaanik suliassat ilaat oqaatigineqareersutut salliutikkunnaartariaqarsimaneranik suliassallu allat sallinnortittariaqartarsimaneranik kinguneqarpoq. Nunanut allanut tunngatillugu sullissiviup piginnaasai killeqarmata nunanik allanik niueqateqarnerulernissaq anguniarlugu ataatsimut suliat sivirusinnaapput, iluaqutaaginnarsinnaallunilu nunanimi allani pissutsit paasisimalluassagaanni aallartitarfeqarnissaq tunitsiviusartunillu ilisimasaqarluarnissaq pisariaqarmata. Nunani allani sullissivimmi immikkoortortat mikisuararsuupput taamaattumillu malussarissuullutik, taammattumillu sulisut nikinneri suliassat kinguaatoornerinik kinguneqarsinnaasarpoq sulisunik nutaanik ilinniartitsinissaq ilanngullugu eqqarsaatigisariaqarmat. UK-imik isumaqatiginninniarnert eqqarsaatigalugit ilanngullugu oqaatigineqassaaq UK-ip ministeriunerisumaqatiginniarnertup

	nalaanni pingasoriarlutik nikinnikummeta niuernernullu ministerii amerlasooriarluni taarserneqarnikummeta. Tamatigummi UK-ip piginnaatitsissutai uppernarsaqqarneqartariaqartarsimapput, taamaammallu UK-ip Kalaallit Nunaatalu akornanni isumaqatiginninniarnernut kinguarsaaqataasimalluni.
--	---

Konto pingarneq	Qulequtaq
64.10.27	Inuussutissarsiornikkut ineriartornermut- aamma ussassaarisarnikkut pilersaarutit
Kukkunersuinermut Ataatsimiititaliap Oqaaseqaatai/apeqqutai	Inuussutissarsiornikkut ineriartornermut aamma ussassaarisarnikkut pilersaarutit nikinganeritut eqqaaneqartumut erseqqinnerusumik tunngavilersuisoqarnissaa ataatsimiititaliap noqqaassutigaa. a) Pilersaarutit suut pineqarpat? b) Pilersaarutit kinguartinneqarneri qanoq sunniuteqarpa?
Akissut	a) Sermimut imermullu tunngatillugu akuersissutinik nutaanik nalunaaruteqartarnerup matuneqarsimanera naalackersuinnikkut isummerfigineqartariaqarsimavoq, tamatumalu kingunerisaanik sermimut imermullu suliniutit kinguartittariaqarsimallutik. Akuersissutinik nutaanik nalunaaruteqartarnerup matuneqarsimanerata atorunnaarsinnera 2022 naalersoq aatsaat pivoq. b) Suliniutinik kinguartitsisariaqarsimanerup kingunerisaanik ingerlatseqatigiiffiit sermimik imermillu atuinissaminut qinnuteqarnissamik eqqarsaateqartut akuersissutinik nutaanik nalunaaruteqartarnerup matuneqarsimanerata atorunnaarsinneqarnissaa utaqqimaaqqaartariaqarsimavaat tunisassiornerup nittarsaassinerillu kinguartittariaqarnerinik kinguneqartumik. Pissutsilli taamaanneri ingerlatseqatigiiffinnut akuusunut sunniuteqarpallaarsimangilaq nualluussuaq Covid-19 pissutigalugu suliaminnik uninngatitsigallarnerisa nalaani pisoq pimmat.

Konto pingarneq	Qulequtaq
64.10.30	Puisit amiinik tunisisarneq
Kukkunersuinermut Ataatsimiititaliap Oqaaseqaatai/apeqqutai	Kiffartuunneqarnissamik isumaqatigiissummi sillimmateqarneq ataatsimiititaliamit ilisimaneqanngilaq, ataatsimiititaliap taamaattumik uku paasisaqarfigerusunneqarput: a) Sillimmatit siunertai b) Sillimmatit tamakkerlugit akilerneqarnissaasa sooq pisariaqarsimanginnera pillugu tunngavilersuutit c) 1) Sillimmatit tamarmik akilerneqarsimanginneritut aamma 2) puisit amiinik tunisisarneq pillugu pikkorissartoqarsimanera puisit amiinik pisisartunut tamanna qanoq sunniuteqarsimava?
Akissut	a) Piniartut puisit amiinik tunisinerminni tapiissutisarnerneritut naammattunik aningaasasaqartuarnissap qulakkeerneqarnissaa siunertaavoq tamatumalu saniatigut puisit amiinik tigooraasartut

	<p>pikkorissartinnissanut amminik amerlanerusunik tigooraasalernissamat il.il. sillimmatinit qinnuteqartoqarsinnaavoq.</p> <p>b) 2022-mi sillimmatit tamakkerlugit atorneqarsimannigillat aningasani atuinissamik qinnuteqartoqarsimannigimmat. Aningaasat sillimmatineersut Namminersorlutik Oqartussanik isumaqatigiissuteqarnikkut Great Greenlandimut tunniunneqartarput toqqaanartumillu tunniunneqarneq ajorlutik. Great Greenland 2022-mi sillimmatinit qinnuteqarpoq aningaaserivimmi akiitsuminut amernillu amerlanerusunik pisiortornissaminut atugassanik.</p> <p>c) Puisit amiinik pisiortortartut 2022-mi puisit amii pisiassatik tamaasa pisiaraat, taamaattimillu Great Greenland 2022-mi sillimmatinit atuinissamat qinnuteqarnissaminut pisariaqartitsisimanani. Great Greenland 2022-p naajortornerani pikkorissartitsinissaminut aningaasanik qinnuteqarpoq 2022-illi ukiua naatinnagu pikkorissartitsinissartik angumerisinnaannginamikku, taarsiullu 2023-p aallartinnerani sillimmatinit aningaasanik atuinissamik qinnuteqarput. Pikkorissarnerit april 2023-mi ingerlanneqarput.</p>
--	--

Konto pingaarneq	Qulequtaq																		
64.10.32	Takornariartitsinermik ineriartortitsineq aamma inuussutissarsiutinik siuarsaaneq																		
Kukkunersiuinermut Ataatsimiititaliap Oqaaseqaatai/apeqqutai	Nassuiaat amigarpasippoq taamaattumik nikingassut pillugu erseqqinnerusumik tunngavilersuisoqarnissaa ataatsimiititaliap kissaatigalugu.																		
Akissut	<p>Atuinikinnerusimaneq aningaasat agguataarsimaneri pillugit takussutissiami ataaniittumi takuneqarsinnaapput.</p> <table style="width: 100%; border-collapse: collapse;"> <thead> <tr> <th style="width: 60%;"></th> <th style="width: 20%; text-align: center;">AI 2022</th> <th style="width: 20%; text-align: right;">Nunap Karsiata naatsorsuutai</th> </tr> </thead> <tbody> <tr> <td>Aningaasat inuussutissarsiutinik siursaaffiusussat Innovation Greenlandimit aqunneqarput. (NALIK)</td> <td style="text-align: right;">9.137.000</td> <td style="text-align: right;">7.613.422</td> </tr> <tr> <td>Takornariaqarnermik siuarsaaneq</td> <td style="text-align: right;">17.911.00</td> <td style="text-align: right;">17.911.000</td> </tr> <tr> <td>Nora</td> <td style="text-align: right;">250.000</td> <td style="text-align: right;">268.254</td> </tr> <tr> <td>Inuussutissarsiutinik siursaaniarnerit allat</td> <td style="text-align: right;">1.681.000</td> <td style="text-align: right;">147.242</td> </tr> <tr> <td>Kommune Qeqertalimmik suleqatigiinnissamik isumaqatigiissut</td> <td></td> <td style="text-align: right;">2.000.000</td> </tr> </tbody> </table>		AI 2022	Nunap Karsiata naatsorsuutai	Aningaasat inuussutissarsiutinik siursaaffiusussat Innovation Greenlandimit aqunneqarput. (NALIK)	9.137.000	7.613.422	Takornariaqarnermik siuarsaaneq	17.911.00	17.911.000	Nora	250.000	268.254	Inuussutissarsiutinik siursaaniarnerit allat	1.681.000	147.242	Kommune Qeqertalimmik suleqatigiinnissamik isumaqatigiissut		2.000.000
	AI 2022	Nunap Karsiata naatsorsuutai																	
Aningaasat inuussutissarsiutinik siursaaffiusussat Innovation Greenlandimit aqunneqarput. (NALIK)	9.137.000	7.613.422																	
Takornariaqarnermik siuarsaaneq	17.911.00	17.911.000																	
Nora	250.000	268.254																	
Inuussutissarsiutinik siursaaniarnerit allat	1.681.000	147.242																	
Kommune Qeqertalimmik suleqatigiinnissamik isumaqatigiissut		2.000.000																	

	Katillugit	28.979.00	27.939.918
--	------------	-----------	------------

Konto pingaarnermut 30.10.49-mut atatillugu apeqqummut b-mut akissutitut ilanngussa.

Ataatsimiitaliamit paaserusunneqarpoq, aningaasaliissutit 2023-p naanissaata tungaanut qanoq atorneqarnissaanik pilersaaruteqartoqarnersoq

Apeqqummut b-mut akissuteqaat

Suliniutigineqartuni 1-10-mi 16-imilu suliniutita ataasiakkaat 2023-p ukiuata sinnerani ingerlanneqarnissaat pilersaarutaavoq, suliniutit 11-15-it Justitsministeeriaqarfimmiit isumagineqartussaammata.

Suliniut	Suliassatut pilersaarutit
Suliniut 1:	<ul style="list-style-type: none">- Oqaloqatigiinnissamut tunngavissiap ineriartortinneqarneratigut MANU+-imut tunngavissiap naammassillugu suliarineqarnissaa- Innuttaasut sulisullu eqqarsaatigalugit MANU app-imik pilersitsinissaq- Nunami sulisut MANU-mik atuinissamut ilinniartitsisartut eqqarsaatigalugit digitalikkut ilinniarfimmu isissutissap inaarsarneqarnissaa
Suliniut 2:	<ul style="list-style-type: none">- Siusissukku iliuuseqarnissamut najoqqutassiap naammassillugu suliarineqarnissaa (aallaqqaammut pilersaarutaasimasunut nassuiaatip iluarsineqarnera)- Nunami tamarmi Siusissukku iliuuseqarnermik suliaqartartut isumasioqatigiissinneqarnissaat- Nunami tamarmi Siusissukku iliuuseqarnermik suliaqartartut siunnersorneqartuarlutillu tapersersorneqartuarnissaat
Suliniut 3:	<ul style="list-style-type: none">- Nunami ulluunerani neqeroorutini sulisut piginnaanngorsarneqarnerisa aappassaaneerineqarnerannik inaarsaanissaq- Suli atualinngitsut pillugit suliassaqarfimmi suleriaqqinnissaq pillugu ingerlatsivinnik suleqateqarnissaa- Suleqatigiittoqarnissaa siunertaralugu aalajangersimasumik suliaqarfimmi pisortat katerisimaartinneqarnissaat
Suliniut 4:	<ul style="list-style-type: none">- Namminneq kajumissutsiminnik suliaqartartunut ilitsersuutinik videoliortoqarnissaa- Namminneq kajumissutsiminnik suliaqartartut internetsikkut ataatsimiisinneqarnissaat

	<ul style="list-style-type: none"> - Namminneq kajumissutsiminnik suliaqartartut il. il. tapersersorneqarnissaat
Suliniut 6:	<ul style="list-style-type: none"> - Kommunini meeqqanik sullissisartut atugassaasa ESDH-p / app-ip inaarutaasumik atortuulersinneqarnissaa - Sullissisartut aalajangersimasunillu suliaqartartut tamarmik sulianik kinguaassiuutitigut atonerluinermut tunngassutilinnik suliarinnittalernissaannik pikkorissaanerit - Aqutsisunik isumasioqatigiissitsinissaq
Suliniut 7:	<ul style="list-style-type: none"> - Pikkorissarfissat pillugit iserfissap naammassillugu suliarineqarnissaa atuutsinneqalernissaalu
Suliniut 8:	<ul style="list-style-type: none"> - Ornittakkani ataqatigiissaarisut siunersieqatigiissillugit ataatsimeeqatigiissinneqarnissaat.
Suliniut 9:	<ul style="list-style-type: none"> - Faglig Grund Profil-iliornissaq nalunaarusiornissarlu - Ilaqutariinnut sullissivinni sulisut decembarimi isumasioqatigiisseqqinneqarsinnaanerit.
Suliniut 10:	<ul style="list-style-type: none"> - Illoqarfinni aatsaat aallartiffiusuni suliarinnittarnerup ingerlateqqinneqarnissaa - Illoqarfinni assigiinngitsuni aalajangersimasunik suliaqartartut pikkorissartinneqarnissaat - Nunatsinni tarnip pissusaanik ilisimasallit aalajangersimasunillu suliaqartartut tamarmik kingunerlutsitsisarnerit pillugit isumasioqatigiissinneqarnissaat.
Suliniut 16:	<ul style="list-style-type: none"> - Katsorsaavimmik ingerlatsinissaq innuttaasunillu katsorsaajuarnissaq - - Sullitanut, aalajangersimasumik suliaqartartunut qanigisaasunullu videoliornissaq - Sullitanut innuttaasunullu tamanut suliassaqarfik pillugu nittartakkap paasissutissartallip ineriartortinneqarnissaa.



Aningaasaqarnermut Akileraartarnermullu Ataatsimiititaliamut
Til Finans- og Skatteudvalget

Brevdato: 10-03-2023
Sagsnr. 2022 - 16911

**Namminersorlutik Oqartussat akit qaffanginnissaannik iliuuserisassaasa 31/12
2022-mi atorunnaarnerisa pillugit inissisimaffik**

Inissisimaffik ilanngunneqartoq 9. marsi 2023-mi Naalakkersuisut ataatsimiinneranni
suliarineqarpoq, maannalu Aningaasaqarnermut Akileraartarnermullu
Ataatsimiititaliamut ilisimatitsissutitut nassiunneqarluni.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

----- 000 -----

**Orientering om status for Selvstyrets prisafbødende tiltag ved ordningens udløb
den 31/12 2022**

Vedlagte status har været behandlet på møde i Naalakkersuisut den 9. marts 2023, og
videresendes herved til orientering til Finans- og Skatteudvalget.

Inussiarnersumik inuulluaqqusillunga

Med venlig hilsen

Naaja H. Nathanielsen

Aningaasaqarnermut Naligiissitaanermullu Naalackersuisoq

03-03-2023

Suliap normua: 2022-1691

Oqaluuserisassami imm.: ____

Naalackersuisut isummernissaannut tunngavissiaq

Namminersorlutik Oqartussat akit qaffannginnissaannik iliuserisassaasa 31/12 2022-mi atorunnaarnerisa pillugit inissisimaffik

Inassuteqaat

Inassutigineqarpoq,

- Naalackersuisut saqqummiussissut akuerissagaat, Aningaasaqarnermullu Akileraartarnermullu Ataatsimiititaliamut ilisimatitsissutitut nassiunneqassasoq,
- Aningaasaqarnermut Naligiissitaanermullu Naalackersuisoq teknikikut naqqiutinillu allannguissamut piginnaatinneqassasoq.

Aallaqqaasiut

Naalakkersuisut 2022-mi ukiakkut Aningaasaqarnermut Akileraartarnermullu Ataatsimiititaliamit akuerineqarlutik 2022-p ukiumi sisamararterutaata kingulliani Royal Arctic Linep uuliamut aningaasallu nalinginut tapigititaata katillugit 30 mio. kr.-t iluanni appartinneqarnissaanut ingerlatseqatigiiffik isumaqatigiissuteqarfigaat. Isumaqatigiissummi ukiup naatsorsuuseriffiup 2022-p naanerani aningaasat sinnerisinnaasai Nunatta Karsianut utertinneqassasut piumasaqaatigineqarpoq. RAL-ip suliniummut katillugit 14,5 mio. kr.-nik atuisoqarnera maanna naatsorsorpaa, taamaammallu aningaasat sinneri 15,5 mio. kr.-t ukiumut naatsorsuuseriffimmut 2022-mut Nunatta Karsianut utertinneqarput.

Tunuliaqutaq

21. september 2022-mi Aningaasaqarnermut Akileraartarnermullu Ataatsimiititaliap Naalakkersuisut qinnuteqaataat "Akit qaffannginnissaannik iliuuserisassat" akueraa (Ataatsimiititaliap suliaa nr. 01.31.06/22-00995). Akuersissutikkut Naalakkersuisut 2022-mi RAL-ip avannamut nioqqutissat nillataartut pingaarnerutillugit, uuliamut aningaasallu nalinginut tapiliussaannut 30 mio. kr.-t tungaannut aningaasartuuteqarnissamut piginnaatinneqarput. Tamatumani siunertaq tassaavoq, Ruslandip Ukrainemik saassussinerata kingorna nunarsuarmi aningaasaqarnikkut annertuumik nalorninartorsiornermi, pingaarnemik inuussutissat akiisa qaffakkiartornerisa ingalannissaat.

RAL-i Namminersorlutik Oqartussanik isumaqatigiissutini tunngavigalugu, 1. septemberimit 31. december 2022-mut 14.542.747,92 kr.-nik tigusivoq. Suliniummut aningaasaliissutit RAL-i ingerlaavartumik oqaloqatigalugu pisariaqartitsineq naapertorlugu akiliutigineqarput.

Akit qaffannginnissaannik iliuuserisassat aallartinneqannginnerisa sioqqullugu Naalakkersuisut namminersorlutik inuussutissarsiorturnik niuertarfinnillu ingerlatsisunik pingaarutilinnik oqaloqatiginnippat. Oqaloqatigiinnerni RAL-ip isumaqatigiissutaata paasineqarnerunissaa anguniarneqarpoq, taamaalilluni akinik qaffaannginnissamik kissaat sapinngisamik pisisartunut sunniuteqaqqullugu. Niuertarfiutillit oqaloqatiginninnissamut neqeroorneq tigulluarpaat.

Iliuuserisassat 2022-mi decembarip naanerani atorunnaarmata RAL-imik isumaqatigiissutit niuertarfiutillit namminersorlutillu inuussutissarsiuutillit assartuinerimut piffissami pineqartumi aningaasartuutai 14,54 mio. kr.-nik appartippai.

Aningaasaqarnermut Naligiissitaanermullu Naalakkersuisoqarfik 2023-mi februaarip qaammataani akit qaffannginnissaannik iliuuserisassaasa sunniutai pillugit niuertarfiutilinnik annernik isumasiivoq. Pisiffik, Brugseni, KNI Pilersuisorlu saaffigineqarput.

Pisiffiup ataqqinnilluni atuisunut akinik appaanini ilisimatitsissutigaa. Pisiffiup naliliinera naapertorlugu iliuuserisassat isertitakinnerit ulluinnarni atortagaannut siunnerfigalugit pitsaanerussagaluartoq. Iliuuserisassanik aaqquussisoqalermat, siunnerfik



tamanna allaffissornikkut pisariuvallaassamat atorneqassanngitsoq aalajangiunneqarpoq. Oqariartuulli soorunami tusaatissatut tiguneqarpoq.

Brugsennip itisiliisumik akinissaq isumalluutiniq atuiffiuvalaassasoq, taamaattoq siunertarisat malillugit nioqqutissanut arlalinnut akit appartissimallugit ilisimatitsissutigaa.

Pilersuisoq nioqqutissat 140-t missaasa akii appartinneqartut, akillu appartinnerat juni 2023-p tungaanut, avannaanut tunumullu nioqqutissanik umiarsuarmik assartuinissat nutaat pilersaaruteqarfigineqartunut attanneqassasoq ilisimatitsivoq.

Inaarummik naatsorsuut

Nalunaarsuiffimmi takuneqarsinnaavoq aningaasaliissutini 30 mio. kr.-usunit 14,54 mio. kr.-t atorneqarput.

Akiliutit tamarmiusut	20.000.000,00
Atuineq tamakkiisoq	14.542.747,92
<u>Sinneruttut utertitassat</u>	<u>-5.457.252,08</u>

Najoqqutaq: RAL-ip aaqjissuussamat inaarutaasumik naatsorsuina. Erseqqissaatigineqassaaq, immikkoortinneqartuni 30 mio. kr.-t sinneruttut pisariaqartinneqanngimmata RAL-imut tamakkiisumik akiliutigineqanngillat.

Qulaani inaarummik naatsorsuummut atatillugu, RAL-ip qinnuiginninneratigut, Namminersorlutillu Oqartussanik isumaqatigiissut naapertorlugu Grønlands Revisioni suliamik periutsinik atorneqartunik misissuisimanera ilisimatitsissutigineqassaaq. Kukkunersuisut periuserineqartoq RAL-ip Namminersorlutillu Oqartussat isumaqatigiissutaannut naapertuuttoq oqaatigaa.

Grønlands Revisionilli 2022-p novembariani kukkusumik akiligassiisoqarnera paasivaa. Qaammammi tassani RAL-ip uuliamut aningaasallu nalinginut tapiliusaaq annikinaarlugu naatsorsorsimavaa. Taamaalilluni RAL-i qaammammi tassani Namminersorlutik Oqartussanut 1.680.827,55 kr.-nik appasippallaartumik akiligassiivoq. Taamaalilluni siuliani atuinermik allassimasoq 1,68 mio. kr.-nik annertunerusussaagaluarpoq. Kukkunerli RAL-imut naatsorsuutitigut annertunerusumik kingunerisassaqaanngilaq, ingerlaavartumimmi uuliamut aningaasallu nalinginut tapinik aaqqiinerup nikingassut piffissap ingerlanerani nalimmassassammagu. Taamaalilluni kukkusumik akiligassiineq pissutigalugu RAL-ip atuisuisa piffissap ingerlanerani RAL-ip uuliamut aningaasallu nalinginut tapiliusaaq ilaattut aningaasat taakku akilissavai. RAL-ip naatsorsorpaa, atuisut 2023-mi qaammatit arfinillit ingerlanerani akilersimasassaraluaminnit 0,43 procentimik annertunerusumik uuliamut aningaasallu nalinginut akiliisariaqassasut.

Maanna Namminersorlutik Oqartussat RAL-imut aningaasanik taakkuninnga utertitsinissamat periarfissaqaanngillat, aningaasanummi qinnutigineqartunut siunertaq ukiup aningaasanik inatsisiliorfiusup 2022-p qaangiunnerani atorunnaarmat. RAL-ip aningaasat taakku 2023-mi uuliamut aningaasallu nalinginut tapimik 2023-mi qaammatini arfinilinni 0,43 procentinik appaanisaaq siunertaralugu utertinneqartussanngortippagit, 2023-mi ilassutitut aningaasaliissutinik qinnuteqarnisaaq pisariaqassaaq. Suliniulli taanna naapertuutinngitsutut nalilerneqarpoq.

Tamatumunnga atatillugu erseqqissaatigineqassaaq, 2023-mi tapi 0,43 %-mik qaffasinnerusoq, uuliamut aningaasallu nalinginut nalinginnaasumik nikerarnera

pissutigalugu, RAL-ip atuisuisa aningaasaqarnerannut annertuumik sunniissanngitsoq. Uuliamut aningaasallu nalinginut tapi 1. januar 2023-mi 7,18 %-mik annertussuseqarpoq.

Tamatuma saniatigut oqaatigineqassaaq, akit qaffannginnissaannik iliuuserisassat pisiniarfinit atuisunut ingerlateqqinneqarnissaata qulakkeernissaa suliniummi ilungersunarnerusoq. Pisiniarfiutillit nammineq oqaatigisaattut atuisunut akit appasinnerunerannik kinguneqartumik siunertap naammassineqarsimaneranut takussutissaqarpoq. Taamaattoq uuliamut aningaasallu nalinginut tapimik 0,43 procentip missaanik appartitsigallarnerup atuisunit malugineqarsinnaanera nalorninartoq oqaatigineqassaaq. Taamak annikitsigisumik appaaneq pisiniarfiutilinnuinaq tussasoq naatsorsuutigineqarsinnaavoq.

Taamaammat Aningaasaqarnermut Naligiissitaanermullu Naalakkersuisoqarfiup ataatsimut isigalugu naliliutigaa, RAL-ip tunngavissatut nassiussaa naapertorlugu naatsorsuuserinikkut naammassinninnissap tunngavia kaammattuutigineqassasoq.

Inaarutaasumik oqaatigisassat

RAL-ip aningaasaqarnermut pisortaata (CFO) aaqqissuussineq maanna naammassineqartoq, RAL-ip assartuineranut annertunerusumik atuinerulersitsinermik kinguneqanngitsoq nalilerpaa. 2021-mut sanilliukkaanni, RAL-i 2022-mi piffissami pineqartumi kaaviiartitai 15 mio. kr.-nik appasinnerupput. Tamannali aaqqissuussinermut isumaqatigiissutigineqartumut sanngheetutit isigineqanngilaq, aaqqissuussinermummi usit aalajangersimasumik annertussuseqarnerisa attatiinnarnissaannut ikorfartuinissaq siunertarineqarnani, pingaarnermik nioqqutissanik ulluinnarni pisariaqartinneqartunut akit qaffariaataannik appasitsisinissaq siunertarineqarmat.

RAL-ip COF-ata 2022-p naanerani aaqqissuussinerup naammassinerani uuliamut aningaasallu nalinginut tapip atuisunut sunniutaa siunissami appasissasoq nalilerpaa, piffissamimi kingullermi uuliap akiata appariartornera malunnarmat.

Nunarsuarmi nukissiutip akia piffissami kingullermi akit apparnerisigut aalaakkaasunngorpoq, tamannalu assersuutigalugu Danmarkimi Europamilu piffissami kingullermi akit qaffakkiartornerisa annikilliartrornerannut patsisaavoq.

Nunatsinni aningaasaqarneq 2022-mi Europamisulli aamma USA-misulli akit qaffakkiartornerannit tatisimaneqanngilaq. Tamatumunnga atatillugu nunarput 2022-mut 2023-mullu uuliap akia pillugu isumaqatigiissutinik pitsaasunik kiisalu erngup nukinganik innaallagissiornermit pilersuiffigineqarluni iluaqutserneqarpoq.

Ataatsimut isigalugu nunatsinni akit qaffakkiartornerat naatsorsuutigisamit nunarsuullu sinneranit appasinneruvoq. Tamanna tunngavigalugu, aaqqissuussinermullu aningaasartuutit ilimagisamit appasinnerunerat eqqarsaatigalugit, maanna aaqqissuussinerup sivitsorneqarnissaa tunngavissaqanngilaq.

Naligiissitaanermut kingunerisassat

Soqanngilaq.

Attaveqatigiinneq

Manna saqqummiussisut Aningaasaqarnermut Akileraartarnermullu Ataatsimiititaliamut ilisimatitsissutitut nassiunneqassaaq. Taamaaliornikkut Naalakkersuisut 2022-p septembariani

ataatsimiititaliap ilassutitut aningaasaliissutinik akuersinerminut atatillugu piumasaqataat naammassivaat.

Aningaasaqarnikkut kingunerisassat

Kontumut pingaarnermut 20.05.45 Akit qaffannginnissaannik iliuuserisassanut aningaasaliissutit ilaat atorneqanngitsut 2022-p naanerani nunatta karsianut utertinneqarput.

Tusarniaaneq

Inuussutissarsiornermut Nunanullu allanut Naalackersuisoqarfik tusarniaavigineqarpoq. Tusarniaanermut akissutit tunngavissiamut uunga ilanngunneqarput.

Naaja H. Nathanielsen

/

Naalackersuisoqarfiup pisortaa Nikolai S. Christensen

Ilanngussat

1. Suliami iliuuserisassat isumaqatigiissutigineqartut (Kukkunersiuisup nalunaarutaa)
2. RAL-imik isumaqatigiissut



INATSISARTUT

Aningaasaqarnermut Naligiissitaanermullu
Naalackersuisoq
/MAANI

Ulloq: 02-05-2023

J.nr.:01.31.29/00536

Akit qaffannginnissaannik utaqqiisaannaagallartumik Namminersorlutik Oqartussat iliuseqarnissamik aaqquissuussinerisa 31/12 2022-mi qaangiunnerani killiffik pillugu Aningaasaqarnermut Akileraartarnermullu Ataatsimiititaliamit apeqqutit.

Akit qaffannginnissaannik utaqqiisaannaagallartumik iliuseqarnissaq pillugu ilassutitut aningaasaliissuteqarnissamik Naalackersuisut qinnuteqaataat akuerineqassasoq Aningaasaqarnermut Ataatsimiititaliamit ulloq 21. september 2022-mi aalajangiunneqarpoq. Ataatsimiititaliap suliaa nr. 01.31.06/22-00995. Ataatsimiititaliap akuersinera ima piumasaaqatitaqarpoq:

- Piumasaaqat siulleq tassaavoq aningaasaliissutit atuisunit iluaqtissarsiffiunissaannik qulakkeerinnittumik isumaqatigiissuteqarnissaq anguneqaqqullugu Naalackersuisut suliaq pillugu niuernermi eqqussuisunik inuussutissarsiortunillu oqaloqatiginninnissaat. Taamaaliornikkut pinngitsoortinneqaqqullugu aningaasaliissutit eqqussuisunut inuussutissarsiortunullu tapiissutitut tunniunneqarnissaat. Tamanna pissaaq Royal Arctic Linemut isumaqatigiissuteqarnissaq siqqullugu.
- Piumasaaqatip aappaa tassaavoq aningaasaliissuteqarnermi tunngavigineqartut eqquutsinneqarsimanersut pillugu Naalackersuisut kingorna ataatsimiititaliamut nalunaarusiornissaat.

Akit qaffannginnissaannik utaqqiisaannaagallartumik Namminersorlutik Oqartussat iliuseqarnissamik aaqquissuussinerisa 31/12 2022-mi qaangiunnerani killiffik pillugu Naalackersuisut ilisimatitsissutaat Aningaasaqarnermut Ataatsimiititaliamit ulloq 10. marts tiguneqarpoq. Suliamut apeqquteqarnissaq ilisimatitsissutitut suliap suliarineqarneranut atatillugu ataatsimiititaliamit aalajangiunneqarpoq.

1. Aningaasaliinermi piumasaaqammi siullermi allassimasutut aningaasaliissutit atuisunit iluaqtissarsiffiunissaannik qulakkeerinnittumik isumaqatigiissuteqarnissaq anguneqaqqullugu suliaq pillugu niuernermi eqqussuisunik inuussutissarsiortunillu oqaloqatiginninnissamut Naalackersuisut peqquneqarput. Taamaaliornikkut aningaasaliissutit eqqussuisunut inuussutissarsiortunullu tapiissutitut tunniunneqarnissaat pinngitsoortinneqaqqullugu.

Ilisimatitsissummi nassiunneqartumi Naalakkersuisut paasissutissiissutigaa: ”Akit qaffannginnissaannik iliuuserisassat aallartinneqannginnerisa sioqqullugu Naalakkersuisut namminersorlutik inuussutissarsiortunik niuertarfinnillu ingerlatsisunik pingaarutilinnik oqaloqatiginnippat. Oqaloqatigiinnerni RAL-ip isumaqatigiissutaata paasineqarnerunissaa anguniarneqarpoq, taamaalilluni akinik qaffaannginnissamik kissaat sapinngisamik pisisartunut sunniuteqaqqullugu. Niuertarfiutillit oqaloqatiginninnissamat neqeroorneq tigulluarpaat.”

Tassunga atatillugu oqariartaatsit ersernerluttut atornerarnerat ataatsimiititaliamit maluginiarneqarpoq, soorlu ” sapinngisamik pisisartunut sunniuteqaqqullugu” aammalu oqaloqatigiinnissamik neqeroorut ”tigulluarpaat”. Tassunga atatillugu pissutsit makku paasinarsisinneqarnissaat ataatsimiititaliamit kissatigineqarpoq:

- a. Niuertarfiutillit inuussutissarsiortunik isumaqatigiissuteqarneq aqutigalugu aningaasaliissutit piunasaqaatini allassimasutut atuisunut iluaqutissarsiffiunissaat qanoq annertutigisumik qulakkeerinniffigisimallugu Naalakkersuisut naliliippat?
 - b. Naalakkersuisut isumaqarpat ingerlatsisut anginerit siumoortumik oqaloqatigineqarnerisigut aningaasaliissutit siunertarineqartut sunniuteqarnissaat anguneqarsimasoq?
 - c. Taamatut misilittagaqalereernermi siunissami iliuusissat assingusut Naalakkersuisunit qanoq suliarineqarlutillu piviusunngortinneqassappat?
2. Piunasaqaatip aappaa naapertorlugu allassimavoq ”aningaasaliissuteqarnermi tunngavigineqartut eqquutsinneqarsimanersut pillugu Naalakkersuisut kingorna ataatsimiititaliamut nalunaarusiussasut.”

Tassunga atatillugu ataatsimiititaliamit maluginiarneqarpoq akit qaffannginnissaannik utaqqiisaannaagallartumik iliuuseqarnerup sunniutaanut tunngatillugu niuertarfiutilinnit akuusunit anginermi paasissutissat kingorna pissarsiarineqartut naammangilluinnartut. Ilisimatitsissummi allassimasutut oqaaseqatigiit ataatsit atorlugit assersuutigalugu Brugsenimit paasissutissiissutigineqarpoq ”itisiliisumik akinissaq isumalluutinik atuiffiuvalaassasoq, taamaattoq siunertarisat malillugit nioqqutissanut arlalinnut akit appartissimallugit.”

- a. Naalakkersuisut naliliippat niuertarfiutillit akuusut akit qaffannginnissaannik utaqqiisaannaagallartumik iliuuseqarnerup sunniutaanik naammattumik paasisitsisimasut?
- b. Akit qaffannginnissaannik utaqqiisaannaagallartumik iliuuseqarnerup Naalakkersuisunit siunertarineqartut sunniuteqarsimanera nalilerumallugu paasissutissat pisariaqartut pissarsiarinarneqarnissaannik Naalakkersuisut pilersaaruteqarsimappat?

Apequtitut siuliani allassimasunut allakkatigut akissutit (kalaallisut danskisullu) sapinngisamik piaarnerpaamik tiguneqarnissaat ataatsimiititaliamit qinnutigineqarpoq. Akissuteqaat qarasaasiakkut ataatsimiititaliap allattaanut (jovag@inatsisartut.gl) (saam@inatsisartut.gl) aammalu Inatsisartunut (inatsisartut@inatsisartut.gl) nassiuteqquneqarpoq.

Apequtitut siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartut Naalakkersuisut naliliippata, tamanna sapinngisamik piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiinnerujunnartumut ulluliussassatut siunnersuuteqarluni.

Qujareerlunga,

Ataatsimiititaliaq sinnerlugu,



Hans Peter Poulsen

Aningaasaqarnermut Akileraartarnermullu Ataatsimiititaliaq siulittaasua



Aningaasaqarnermut Akileraartarnermullu Ataatsimiititaliaq

Namminersorlutik Oqartussat akít appasitsinniarnerninut suliniutaasa 31. december 2022-mi atorunnaarnerannut atatillugu killiffik pillugu Aningaasaqarnermut Akileraartarnermullu Ataatsimiititaliap apeqqutaanut akissutit

2. maj 2023-mi Aningaasaqarnermut Akileraartarnermullu Ataatsimiititaliaq apeqqtinik arlalinnik nassiussivoq. Apeqqtutit ataatsimiititaliamut killiffik pillugu ilisimatitsissut 10. marts 2023 nassiunneqarsimasoq tunngavigalugu apeqqutigineqarput.

Apeqqutigineqartut tulliuuttumi akissuteqarfigineqarput.

Apeqqt 1.

a) *Niuertarfiutilittut inuussutissarsiortunik isumaqatigiissuteqarneq aqutugalugu aningaasaliissutit piumasaqaatini allassimasutut atuisunut iluaqutissarsiffiunissaat qanoq annertutigisumik qulakkeerinniffigisimallugu Naalakkersuisut naliliippat?*

Akissut a):

Tunngaviumik Naalakkersuisut nunatsinni nioqutissat akii aalajangersarsinnaanagillu aalajangersarsinnaasussaanginnerat eqqarsaatigalugu, Naalakkersuisut naapertuuttumik aqqiisimallutik isumaqarput.

Pisiniarfinnik ingerlatsisut pingaarnert oqaloqatiginerisigut Naalakkersuisut naliliipput, Naalakkersuisut akinut appasitsitsinissamut suliniutaanni anguniarneqartut, kiisalu pisiniarfiit tassunga atatillugu naatsorsuutigisimasaat assigiimmik paasineqarsimasut. Paasinninneq taanna ilaatigut ilalernerqarpoq Naalakkersuisut suliniut pillugu avammut nalunaarutaanni, tassungalu Aningaasaqarnermut Naligiissitaanermullu Naalakkersuisup tusagassiortunut nalunaarutaa 27. september 2023-meersoq assersuutigineqarsinnaalluni.¹

Taamaammat pisiniarfinnik ingerlataqartut ataasiakkaat pisortatigoortumik isumaqatigiissuteqarfigineqarsimanngillat, paarlattuanillu Royal Arctic Line A/S pisortatigoortumik isumaqatigiissuteqarfigineqarsimavoq, aqqiissuusaqarporli pisiniarfiit namminneq piumassusertik aallaavigalugu Naalakkersuisut akinik appasitsitsinissamik siunertaannut naammassinneqataallutillu suleqataaffiginissaanut.

Aamma eqqaamaneqartariaqarpoq, 2022-p ukiaani akinik appasitsitsinissamut suliniummik suliaqapallattoqarnissaanik naalakkersuinikkut kissaateqartoqarmat.

¹ Link: Kalaallisua: https://naalakkersuisut.gl/Nyheder/2022/09/2709_hjaelpende_haand?sc_lang=kl-GL
Dansk Version: https://naalakkersuisut.gl/Nyheder/2022/09/2709_hjaelpende_haand?sc_lang=da

Nunatsinni pisiniarfinnik ingerlatsisut tamarmik pisortatigoortumik atsiukkamillu isumaqatigiissuteqarfiginissaat eqqarsaatigalugu taamaaliortoqassappat piffissaq sivosooq atorlugu naammassiniarneqarsimassagaluarpoq². Taamatullu iliortoqarsimappat pisiniarfinni Naalakkersuisunilu allaffissornikkut nakkutiginninnissamut aqqissuussanik pilersitsisoqartariaqarsimassaaq. Tassunga aningaasartuutit taakkununga aningaasaliissutinit matussuserneqartussaassagaluarput. Taamatut suliniuteqarnikkut atuisunut qulakkiikkamik pitsanngoriartitsisimanissaa Naalakkersuisut qulakkeerlugu oqaatiginnaanngilaat. Naalakkersuisut isummernissaannut tunngavissiami allaqqasutut, Naalakkersuisut aqqissuussap sukkasuumik allaffissornikkullu pisariunngitsumik ingerlanneqarsinnaanissaa pingaartissimavaat.

b) *Naalakkersuisut isumaqarpat ingerlatsisut anginerit siumoortumik oqaloqatigineqarnerisigut aningaasaliissutit siunertarineqartutut sunniuteqarnissaat anguneqarsimasoq?*

Akissut b):

Akit appasitsinniarnissaannut suliniutinut aningaasaliissutit siunertarineqartumit allatut atorneqarsimanissaat Naalakkersuisut tunngavissaqarsorinngilaat.

c) *Taamatut misilittagaqalereernermi siunissami iliuusissat assingusut Naalakkersuisunit qanoq suliarineqarlutillu piviusunngortinneqassappat?*

Akissut c):

Toqqaanartumik iliuuserineqarsinnaajumaartut eqqarsaatigalugit pissutsit qanorpiaq inneri tunngavissallu apeqqutaajumaarput. Iliuuseqarnissamut qanoq piffissaqartiginersoq, qanoq annertutigisumik nakkutiginnittoqarusunnersoq piviusumillu nakkutiginnittoqarsinnaanersoq, tamatumunngalu aningaasartuutigineqartariaqartussat apeqqutaassapput.

Akinut appasitsitsinissamut suliniuteqaqqittoqarnissaannik pilersaaruteqanngilaq, taamaattoqassappalli uanga Naalakkersuisutut nioqqutissat ulluinnarni pisariaqarnerpaat ukkatarineqassasut kissaatigissagaluarpara, taakkumi isertitakinneerpaanut pingaaruteqarmata. Aqqissuussat taamaattut qanoq ilusilerneqarsinnaanersut isummerfigineqarnikuunngilaq. Naalakkersuisut tamakkuninnga isummersussappata suliniutinik allaffissornikkut annertuumik nakkutiginninnermik pilersitsinngitsunik salliutitsissasut naatsorsuutigineqartariaqarpoq.

Apeqqut 2.

a) *Naalakkersuisut nalilippat niuertarfiutillit akuusut akit qaffannginnissaannik utaqqiisaannaagallartumik iliuuseqarnerup sunniutaanik naammattumik paasisitsisimasut?*

² Naatsorsueqqissaartarfiup naatsorsuutit pillugit kisitsisitigut paasisutissai tassaapput nunatsinni aningaasaqarnermut tunngasunut kisitsisitigut paasisutissat. Suliffeqarfiit inuit ataasiakkaat pigisaat, aningaasaateqarfiit, peqatigiiffiit il.il. kisitsisitigut paasisutissani ilaatinneqanngillat. 2020-mi suliffeqarfiit G-tut nalunaarsorneqarsimasut 122-upput, tassunga suliffeqarfinnut allanut tunisaqartartut pisiniarfiillu ilaallutik. Kisitsisitigut paasisutissat ersersippaat pisiniarfiit qanoq amerlatigisut isumaqatigiissuteqarfigisariaqarsinnaasimasut.

- b) *Akit qaffannginnissaannik utaqqiisaannaagallartumik iliuuseqarnerup Naalakkersuisunit siunertarineqartutut sunniteqarsimanera nalilerumallugu paasissutissat pisariaqartut pissarsiarinarieqarnissaannik Naalakkersuisut pilersaaruteqarsimappat?*

Apeqqutit a) aamma b) ataatsimoortillugit akineqarput:

Akinut appasitsitsinissanut suliniutip atorunnaarneranut atatillugu killiffiliornermi pisiniarfinnik ilisimatitseqatigiittoqarsimavoq. Naalakkersuisut ilisimatitsisummi 10. marts 2023-meersumi tamanna pillugu paasissutissiisimapput. Pisiniarfiit nassuiaapput, namminneq paasinninnertik naapertorlugu, atuisunut iluaqutaasussamik akinut appasitsitsinissamut suliniut sukkasuumik aallartisarneqartoq, Naalakkersuisut siunertaannut naapertuuttumik sapinngisartik tamaat paasinneqatigiinnerlu naapertorlugu naammassisimallugu.

Akinut appasitsitsinissamut suliniut Naalakkersuisut siunertarisaat naapertorlugu naammassineqarsimanersoq iternga tikillugu misissorneqarsinnaanngilaq. Iternga tikillugu misissuissagaanni nunatsinni pisiniarfiit 2022-mi ukiakkut nioqqutinut ataasiakkaanut pisiortornermi aningaasartuutaat, akinik aalajangersaanagerat kiisalu iluanaarutaat misissorneqartariaqarput. Paasissutissat taamaattut Naalakkersuisut pissarsiarinissaannut pilersaaruteqanngillat periarfissaqaratillu. Pisiniarfiit paasissutissat taamak sukumiitigisut namminneq pigiunnaangilaat, aammalu Naalakkersuisut paasissutissanik taamaattunik noqqaanissamut inatsisitigut tunngavissaqanngillat.

Naggasiutigalugu Naalakkersuisut naatsorsuutigaat akinut appasitsitsinissamut aningaasaliissutigineqartut, atuisunut iluaqutaasussaagaluit, annertunerusumik minnerusumilluunniit pisiniarfinnut iluanaarutigineqarsimariaannaanerit ataatsimiititaliamit ernumassutigineqarluni apeqqutigineqartunut tunngaviusoq. Naalakkersuisut Ataatsimiititaliaq isumaqatigaat; pisortat aningaasaliissutaat siunertarineqartut naapertorlugit atorneqarnersut qulakkiissallugu pingaaruteqarpoq. Suliami pineqartumi naammassineqarsimasumilu Naalakkersuisut annertunerusumik ernumassutissaqarsorinngillat, aallarniutigalugu oqaatigineqartutut Naalakkersuisut tunngaviusumik nunatsinni nioqqutissat akii aalajangersarsinnaanagillu aalajangersarsinnaasussaangilaat.

Naalakkersuisut Ataatsimiititaliamut soqutiginarfillugu Susanne Christensenip Kalaallit Nunaanni Brugsenimi Pisortaanerup, 2022-mi ukiakkut akinut appasitsitsinissamut suliniut pillugu Sermitsiami 5. maj 2023-mi saqqummersumi oqaatigisimasaa saqqummiutissavaat, tassalu Namminersorlutik Oqartussat taamaallaat piffissaagallartillugu eqqortuliorsimanngitsut, kisianniil pisiniarfiit aamma inuiaqatigiinnut misiginneqatiginninnermik takutitsisimasut. Allaatigisami atuarneqarsinnaavoq ukiumi naatsorsuusiorfiusumi 2022-mi Brugseni amigartooruteqartussanngortoq. Allaatigisami suliffeqarfik nassuiaavoq, amigartooruteqarnermut ilaatigut 2022-mi ukiakkut akitsuinerit pisisartunut tamakkiisumik ingerlateqqinneqannginnerat pissutaasoq.

Inussiarnersumik Inuulluaqqusillunga



Naaja H. Nathanielsen



Aningaasaqarnermut akileraartarnermullu Ataatsimiititaliaq
-/ MAANI

Brevdato: 06-10-2022
Sagsnr. 2022 - 16911
Akt id. 21414386

Suliniutit akinik pakkersimaarinnissutissat

Suliniutit akinik pakkersimaarinnissutaagallartussat (FU suliaq nr. 01.31.06/22-00995) pillugit suliami Naalakkersuisut inassuteqaataat Aningaasaqarnermut Akileraartarnermullu Ataatsimiititaliap ulloq 21. september akueraí.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Pingaartumik oqaaseqaatissaq nutaaq Ataatsimiititaliap akueraa, taannalu naapertorlugu Royal Arctic Linemi uuliamut tapip 2022-mi qaammatit pingasukkaartut kingullianni 30 mio. kr.-t iluanni appartinneqarnissaa pillugu suliffeqarfimmut isumaqatigiissuteqarnissamik Naalakkersuisut piginnaatinneqarput. Tassani allaqqavoq aningaasat sinnerussinnaasut ukiup naatsorsuusiorfiusup 2022-p naanerani Nunatta Karsianut utertillugit akilernerqassasut.

Ataatsimiititaliap aalajangiinnermini erseqqissarpaa aningaasaliissutit atuisunut atortivinnissaasa qulakkeerneqarnissaata annertusinissaa siunertarlugu pisiniarfinnik oqaloqateqarnissaaq ataatsimiititaliamut pingaartuusoq. Aningaasaliissutini piumasaqaatit eqqortinneqarsimanersut tamassuma kingorna nalunaaruteqartoqarnissaa ataatsimiititaliap kissaatigaa.

Tallimangorneq ulloq 23. september pisiniarfiit amerlasuut aallartitaat tamanna tunngavigalugu ataatsimeeqatigaakka. RAL-imut isumaqatigiissutissap imarisaa ataatsimiinnermi nassuiaatigaara, apeqqutillu tassunga tunngassuteqartut akillugit. Pingaartumik erseqqissarpara pisiniarfiit inuiaqatigiinni akisussaassusermik takutitsinissaannik pisariaqartitsisugut, aamma uuliamut tapip appartinneqartup atorunnaartulluunniit atuisunut iluaqutaanissaanik pisiniarfiit annertunerpaamik qulakkeerinninniassasut.

Kissaatigineqartoq taanna pisiniarfiit paasillugu oqaatigaa.

Kaammattuutigaara annertunerusunik apeqqutissaqartoqarpat Naalakkersuisut imaluunniit RAL-imut saaffiginnittoqassasoq. Ataatsimiinnermi erseqqissumik malugaara apeqqutit tamarmik akineqartut. Aammalu tamatuma kingorna apeqqutinik tigusaqarnanga.

RAL-imut isumaqatigiissut ulloq 27. september 2022 atsiorneqarpoq, tamassumalu kingorna ulloq taanna avammut nalunaarutigineqarneranut atatillugu tusagassiutini annertuumik eqqartorneqarluni. Ukiornissaanut pilersuinerup qulakkeerneqarnissaa Naalakkersuisunut pingaaruteqarmat isumaqatigiissut KNI-p ukiornissaanut

pilersuineranut nassiunneqareersunut sikusartunut ilanngunneqarnissaata qulakkeerneqarnerata kingorna RAL-imut isumaqatigiissusiortoqarpoq.

Pisiffik ulloq 23. september nalunaaruteqareerpoq pisiniarfiup akigititai uuliamut tapip appartinneratigut ingerlaannarluni appartinneqarsinnaasut.

KNI-p akinik appartitsiniarnera sivisuneruvoq. KNI-li ulloq 5. oktober 2022 nalunaaruteqarpoq pisiarisartakkat nalinginnaasut arlallit ulloq taanna appartinneqassasut. Tamanna aamma tusagassiuutini eqqartorneqarpoq. Tassunga atatillugu eqqaasitsissutigineqassaaq, RAL-imut isumaqatigiisummi ukiumut 2022/2023-mut ukiornissaanut sikusartunut pilersuineranut uuliamut akit akilerneqareersut utertinneqarnissaannik periarfissiisoqartoq, taamaalilluni KNI-p aaqqiinissamut ullualunnik atuinera pingaartumik nunaqarfanni avinngarusimanerusunilu annikinnerusumik sunniuteqarpoq.

KNB Brugseni internetikkut tusagassiorfimmu Sermitsiaq.ag-mut ulloq 5. oktober 2022 oqarpoq, Brugseni isumaqatigiisummi iluaqutinik atuisunut aamma atuutilersitsinissaminut piareernissaanut immikkualuttut inissinneqartussaasut. Brugseni pisortaa ulloq taanna allaffigaara kaammattuutigalugulu suliniut sukkanerpaamik atuutilersinneqassasoq, tassani apeqqutit akineqarnissaannik amigaataasinnaasut akinissaannik soorunami ikuussinnaallunga neqerooruteqarlunga. Naalackersuisoqarfiga Brugsenilu maannakkut suliaq pillugu pitsaasumik oqaloqatigiipput, tamannalu tunngavigalugu naatsorsuutigaara Brugseni pisisartuisa isumaqatigiisutit iluaqutissai piaartumik malugiumaaraat.

RAL-imut isumaqatigiisummut aalajangersagaq ilaavoq RAL-i 2023-mi januaarip naannginnerani uuliamut aningaasallu nalinginut tapip appartinnerannut aningaasanik immikkoortitanik atuinermik suliffeqarfik kukkunersuiusumit akuerineqartumik naatsorsuineramik nassiussinissamut pisussaaffeqartoq. Isumaqatigiisummi piumasaqaat taanna aningaasat atorneqanngitsut kingusinnerpaamik 2023-mi februaarip naanerani Namminersorlutik Oqartussanut utertitsilluni akiliisussaaneranut atatillugu isigineqassaaq. RAL-p naatsorsuinerata nassiunneqartup assilinerata ataatsimiititaliamut nassiunneqassaaq.

Aamma isumaqatigiisummi ilanngunneqarpoq RAL-i tunngavissaqanngitsumik isumaqatigiisumik tamakkiisumik ilaannakortumilluunniit atuutilersitsingippat aningaasat atorneqanngitsut ilassumik ukiumut 10 procentimik ernialerlugit utertillugit akilerneqassasut.

Naggasiullugu ataatsimiititaliamut nalinginnaasumik aamma ilisimatitsissutigissavara RAL-i nittartakkamini uuliap akianut tapi pillugu isumaqatigiisutit atorneqarnissaa sukumiinerusumik nassuiaraa. Iserfissami uani takuneqarsinnaavoq:
https://naalackersuisut.gl/nyheder/2022/09/2709_hjaelpende_haand?sc_lang=da

Inussiarnersumik inuulluaqqusillunga

Naaja H. Nathanielsen



Uunga: Inatsisartuts Aningaasaqarnermut Akileraartarnermullu Ataatsimiititaliaat
Att.: Nicklas Lauritzen

Naalakkersuisut ulloq 14. september 2022 allassimasoq aalajangiuppaat:

Isertuussassaq Naalakkersuisut isummernissaannut tunngavissiaq TUA VIORTOQ

**Akit qaffannginnissaannik utaqqisaannaagallartumik
iliuuseqarnissaq** (Aningaasaqarnermut, Naligiissitaanermullu
Naalakkersuisoq)

14-09-2022
Suliap normua: 2022 - 16911
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aningaasaqarnermut, Naligiissitaanermullu Naalakkersuisoq **inassuteqarpoq,**

- Aningaasaqarnermut Naligiissitaanermullu Naalakkersuisoq manna isummernissamut tunngavissiami kiisalu Aningaasaqarnermut Akileraartarnermullu Aqutsisoqarfiup allannguutissatut kissaataani teknikikut allannguutinik akuersinissamut piginnaatinneqassasoq,
- suliassamilu peqataasut attuumassutillit manna suliniummik ilisimatinneqassasut,
- Naalakkersuisut tulliuuttumi inassutigineqartut Inatsisartut Aningaasaqarnermut Akileraartarnermullu Ataatsimiititaliaannut akuersissannorlugit ingerlateqqinneqarnissaat akuerissagaat, aamma tuaviortumik **suliarineqassasoq:**

”Naalakkersuisut **inassutigaaat,**

- Kontumi pingaarnermi 20.05.45 ”Akit qaffannginnissaannik iliuuserisassat” aningaasaliissutit 2022-mi 30 mio kr.-nik qaffanneqassasut,
- Aningaasaqarnermut Naligiissitaanermullu Naalakkersuisoq, kontumut pingaarnermi 20.05.45 ”Akit qaffannginnissaannik iliuuserisassat”-mi oqaasertaliussat naapertorlugit piginnaatinneqassasoq Royal Arctic Line isumaqatiginninniarfigissagaa ingerlatseqatigiiffiup 2022-mi ukiup sisamararterutaata naggataani uuliamut akinut tapiissutitut akiliutigittagaat, katillugu 30 mio. kr.-p tungaanut sinaakkuteqarluni, sinneruttullu atunngitsuukkat 2022-mi ukioq naatsorsuusiorfiusup naanerani Nunatta Karsianut utertinneqassasut,
- ukiakkut nioqqutissat nassiunneqareertut aamma pisiarineqareertut Royal Arctic Linep isumaqatigiissutaani ilaatinneqassasut,
- 2022-mi ukioq naatsorsuusiorfimmi IST-p inernera 30 mio. kr.-nik appariassasoq.”

Taamaalilluni inassut Inatsisartut Aningaasaqarnermut Akileraartarnermullu
Ataatsimiititaliaannut nassiunneqarpoq. Naalakkersuisut isummernissaannut
tunngavissiap assilineri ilanngussallu assilineri ilanngunneqarput.

Inussiarnersumik inuulluaqqusillunga

Naaja H. Nathanielsen

Naaja H. Nathanielsen

Aningaasaqarnermut, Naligiissitaanermullu Naalakkersuisoq

14-09-2022

Suliap normua: 2022 - 16911

Oqaluuserisassani imm.: ____

Isertuussassaq Naalakkersuisut isummernissaannut tunngavissiaq

TUAVIORTOQ

Akit qaffannginnissaannik utaqqisaannaagallartumik iliuuseqarnissaq

Aningaasaqarnermut, Naligiissitaanermullu Naalakkersuisoq **inassuteqarpoq**,

- Aningaasaqarnermut Naligiissitaanermullu Naalakkersuisoq manna isummernissamut tunngavissiami kiisalu Aningaasaqarnermut Akileraartarnermullu Aqutsisoqarfiup allannguutissatut kissaataani teknikikut allannguutinik akuersinissamut piginnaatinneqassasoq,
- suliassamilu peqataasut attuumassutillit manna suliniummik ilisimatinneqassasut,
- Naalakkersuisut tulliuuttumi inassutigineqartut Inatsisartut Aningaasaqarnermut Akileraartarnermullu Ataatsimiititaliaannut akuersinissanngorlugit ingerlateqqinneqarnissaat akuersisagaat, aamma tuaviortumik **suliarineqassasoq**:

”Naalakkersuisut **inassutigaat**,

- Kontumi pingaarnermi 20.05.45 ”Akit qaffannginnissaannik iliuuserisassat” aningaasaliissutit 2022-mi 30 mio kr.-nik qaffanneqassasut,
- Aningaasaqarnermut Naligiissitaanermullu Naalakkersuisoq, kontumut pingaarnermi 20.05.45 ”Akit qaffannginnissaannik iliuuserisassat”-mi oqaasertaliussat naapertorlugit piginnaatinneqassasoq Royal Arctic Line isumaqatiginninniarfigissagaa ingerlatseqatigiiffiup 2022-mi ukiup sisamararterutaata naggataani uuliamut akinut tapiissutitut akiliutigittagaat, katillugu 30 mio. kr.-p tungaanut sinaakkuteqarluni, sinneruttullu atunngitsuukkat 2022-mi ukioq naatsorsuusiorfiusup naanerani Nunatta Karsianut utertinneqassasut,
- ukiakkut nioqqutissat nassiunneqareertut aamma pisiarineqareertut Royal Arctic Linep isumaqatigiissutaani ilaatinneqassasut,
- 2022-mi ukioq naatsorsuusiorfimmi IST-p inernerani 30 mio. kr.-nik appariassasoq.”

Aallaqqaasiut

Piffissami kingullermi nunarsuaq tamakkerlugu aningaasat naleerukkiartorput. Danmarkimi akit naleqqersuutaat juli 2022-mi ukiup siuliani julimut sanilliullugu 8,7 procentimik qaffariarpoq. Kalaallit Nunaanni kingullermik naatsorsuinerit naapertorlugit akit naleqqersuutaat 0,2 procentiuvoq. Kisitsimmi tassani ilaavoq januar 2021-mit januar 2022-mut aningaasat naleerukkiartornerat. Naatsorsuutigisariaqarpoq 2022-p ingerlanerani maani aningaasat naleerukkiartussasut. 2022 tamakkerlugu aningaasat naleerukkiartornerat 3-4 procentimiissasoq naatsorsuutigineqarpoq. Nerisassat akii ilaatigut Danmarkimi qaffariarput, Kalaallit Nunaat nerisassanik eqqussuinerata annerpaartaa tassannga pisarmat akit qaffakkiartornerat aamma maani malunniutissapput. Nerisassat akiisa qaffakkiartornerisa nassatarisaanik pingaartumik inuit isertitakinnerit eqqorneqassapput, tamannalu politikikkut akit qaffannginnissaannik iliuuseqarnissamik pisariaqalersitsisinnaavoq.

Manna isummernissamut tunngavissiami siunnersuutaavoq Naalakkersuisut Royal Arctic Line 2022-mi qaammatit sisamat naggataani pingaarnermik nerisassanik Avannamut assartuinermi uuliamut akinut tapiissutitut akiliutigittagaa appartinniarlugu isumaqatiginninniarfiginissaanut piginnaatinneqassasut. Uuliamut akinut tapiissutitut akiliutigittagaa aningaasat naleerukkiartornerat aamma uuliap akiata qaffakkiartornera ilutigalugu qaffakkiartorpoq. Iliuuseqarnissap assartuinermi akigitit tamakkiissut nerisassanik assartuinermi akigitinneqartut appartissavai, taamaalillunilu akitigut qaffakkiartorneq annikillisissallugu.

Tunngavigisag

Aningaasat naleerukkiartorneranut ukioq maannamut kisitsisit Naatsorsueqqissaartarfimmit 30. september 2022 saqqummiunneqassasut naatsorsuutigineqarpoq. Aningaasaqarnermut Siunnersuisoqatigiit ukiamut nalunaarusiassaanni 22. september 2022 saqqummertussami, ukiumi tulliuuttuni aningaasat naleerukkiartornissaanut missingersuummik saqqummiussissapput. Aningaasaqarnermut Siunnersuisoqatigiit siulittaasuata septembarip aallartinnerani naliliivoq, maani aningaasat naleerukkiartornissaat Europamisut aamma Danmarkimisut qaffasissuseqarnaviannngitsut. 2022-lu tamaat isigalugu 3-4 procentimik qaffasissuseqarnissaat ilimanarnerusoq, kisianni ineriartorneq nalorninarpoq.

Taartisiaqartitsinermut aaqqiissutit piffissamik killilikkamik taamaallaat aaqquissuussisoqarnissaa kajumissaarutigineqarpoq. Nunarsuaq tamaat isigalugu inuiaqatigiit aningaasaqarnerisigut ineriartornissamut missingersuutini naatsorsuutaavoq 2023-mi aningaasat naleerukkiartornerat annikilleriassasoq. Taamaammat atajuartunngorsinnaasunik naleerukkiartortitsisunillunniit aaqqiissutillortoqannnginnissaa, pingaaruteqarpoq. Akillu qaffannginnissaanik aaqqiissutit ima aaqquissuunneqassapput, sapinngisamik inuussutissarsiornermi immikkoortut arlalinni, pingaarnermik sanaartornermi suliaasiivallaanngitsunik. Aaqqiissutillu sapinngisamik unammilleqatigiinnermi ajoqusiinissaa assigisaanillunniit ajoqusiinissaa pinngitsoortinneqartariaqarpoq. Nunatta Karsiata imaqassusia sivisuumik akit qaffakkiartorneranut aaqqiissutinik pilersitsisoqarsinnaaneranik killiliivoq.

Taamaattumik maannakkut siunnersuutaavoq akit qaffakkiartornerinut aaqqiissutit taamaallaat 2022 naanissaanut atuutsinneqassasut.

2023-mut akit qaffakkiartornerinut aaqqiissutissanik isumaliutersuutit Aningaasanut inatsisissap isumaqatigiissutiginiarneranut ilaatinneqarumaarput. Tassunga atatillugu aamma maluginiarneqassaaq, missingersuutit naligiinnissaanik aaqqiinnermi aningaasartuutit

inatsisitigut killilerneqarnikummata, tamannalu Nunatta Karsianut illersuutitut aaqqiineruvoq, aningaasartuutitigut aningaasaqarnerup patajaassusaanut ajoqutaasunut illersuutaasoq, tassuunalu aamma nunatta aningaasaqarnerata patajaassusaanik illersuutaalluni. Tamatuma killiliussat 2023-mi 5.341 mio. kr.-nut aamma 2026-mi 5.394,3 mio. kr.-nut AIS2023-mi 2023-mi aningaasartuutissat inissinneqartut 5.330,1 mio. kr.-nut aamma 2026-mi 5.281,8 mio. kr.-nut nassatarai. Tamanna isumaqarpoq 2023-mi aningaasaliissutitut killingi tassaammata 10,9 mio. kr.-usut aamma 2026-mi 112,5 mio. kr.-usut. Maluginiarneqassaaq taakku kisitsisit aningaasartuutit qaffannissaanik allannguutissatut kalerriutigineqartut sioqqullugit inissinneqarnikummata.

Taartisiaqartitsinermut aaqqiissummik toqqaanermi pingaaruteqarpoq, aaqqiissut pisariitsuussasoq. Tassunga atatillugu assersuutaasinnaavoq danskit naalagaaffiata kiassarnermut tapiissutinik allaffissornikkut iluatsinngitsoortumik suliaqarnerat.

Manna isummernissamut tunngavissiami siunnersuutaavoq Namminersorlutik Oqartussat Royal Arctic Linemik , ingerlatseqatigiiffiup 2022-p naanissaata tungaanut uuliamut tapiissutitut akiliutigittagatigut assartuinermi akigititani appartinnissai pillugit isumaqatigiissuteqassasut. Uuliamut tapiissutitut akiliutit qaffannikkuupput uuliap akiisa qaffannerat ilutigalugu.

Royal Arctic Line kingusinnerusukkut ukiup sisamararterutaata kingullermi naatsorsuinermini ilimagaa uuliamut tapiissutitut akiliutit aamma nunat aningaasaannut tapiissutitut akiliutit katillugit 50 mio. kr.-nik naleqartut akiliisitsissutigineqassasut. Manna isummernissamut tunngavissiami inassuteqaat aqqutigalugu tamanna 20 mio. kr.-nut appartinneqassaaq. Akit qaffannginnissaannut tunngaveqarluni aamma siunertaavoq assartugassat Kalaallit Nunaanuinaq (avannamut angallassineq) nassiunneqartuunnaat pineqassasut.

Isummernissamut tunngavissiaq manna akuerineqassappat, taava Aningaasaqarnermut, Naligiissitaanermullu Naalakkersuisoq RAL-ilu allaganngorlugu isumaqatigiissusiussapput. Isumaqatigiissummi ukioq 2022-p naanerani aningaasat atunngitsuukkat Nunatta Karsianut utertinneqassasut ilaassaaq.

Nerisassat pingaartinnerullugit akinik qularnaarinnineq

Manna isummernissamut tunngavissiamut atatillugu suliniut nerisassanuinaq aamma ulluinnarni pisariaqartitanuinaq atugassanngorsinnaanersoq misissorneqarpoq. Ulluinnarni pisariaqartitat soorlu eqqiluisaarnermut aamma eqqiaanermut tunngasuusinnaapput, atisaasinnaapput, aallaasinut imassaasinnaapput, ukiorlu malillugu atortuusinnaapput kiisalu pinnguaasinnaallutik. Tamatumani periarfissaq RAL ilagalugu oqaluuserineqarpoq. Nuussinermut atatillugu nioqutissat suut attartorneqarnerisut pillugit naammattunik paasissutissartaqanngilaq. Taamaammat RAL-ip “nerisassat” imaluunniit ulluinnarni pisariaqartitat nioqutissat allanit immikkoortissinnaanngilai.

Taamaammat, nillartaartitat aamma qerisut akimik ataatsimik appartinneqarput sinnerilu “nillartaartitaanngitsut aamma qerisuunngitsut” allamik akilerneqarlutik. Akit qaffannginnissaanik qulakkeerinninnermut aningaasat 40 procentii nillartaartunut qerisunullu atornerqarpata (nalinginnaasumik nerisassat) taava uuliamut tapiissutitut akiliut 0 procentiussaaq, assartukkallu sinneri 6 procentimiillutik.

Taamaalilluni uuliamut aamma nunap aningaasaannut tapiissutitut akiliutit assigiinngitsut pingasunngussapput: Ataaseq nillartaartut/qerisut (nerisassat) Kalaallit Nunaannukartut,

ataaseq nassiussat allat Kalaallit Nunaanukartut, kiisalu maanna nalinginnaasumik tapiissutitut akiliutit nassiussanut allanut tamanut atuutereersoq. Tapiissutitut akiliutit pingasut immikkoorput, nassiussat allagartaat taamaallaat ataatsimik tapiissutitaqartassapput.

Akit assiginngitsut pingasut tamakkiisumik atuinermi imaassapput:

Assartukkat nillartaartinneqartut/qerisut: 0 %

Assartukkat nalinginnaasut: 6 %

Assartukkat sinneri tamarmik: Nalinginnaasumik akeqassapput.

Allanik iliuuseqarnissamik isumaliutiginninnerit

Akitigut qularnaveeqqut avannamut assartuinermi assartugassat tamarmik nalogiissinneqarlutik

Uuliamut tapiissutitut akiliutinut aamma nunat aningaasaanut tapiissutitut akiliutinut qularnaveeqqut Kalaallit Nunaanut assartuinermi nalogiimmik agguataarneqarnissaa aalajangiunneqarpat, taava tapiissutitut akiliut septembarimi 27,43 procentimit 3,98 procentimut appartinneqassasoq. Tamanna assartuinermit akinik 18,4 procentinik appartitsinermik naleqassaaq.

RAL nalunaarpoq allannguut ulluinnaat ingerlanerini atulersinneqarsinnaassasoq. Ingerlatseqatigiiffiup nalilerpaa ukiumi pajuttuinerit amerlanerpaat tassannga matussuserneqarumaartut. Kujammut assartuinermi uuliamut aamma nunap aningaasaanut tapiissutitut akiliutinik nalinginnaasumik akiliisoqartassaaq.

Iluaqutissat

- Suliniut sunniuteqangaatsiassaaq aamma nerisassanut akit sunniuteqarfigissavai aammalu ilaatigut sanaartornermi inuutissarsiornermi nalinginnaasumik akit sunniuteqarfigissallugit.
- Aningaasartuutissaaq aalajangersimasuuvoq, taamaalilluni annerpaamik aningaasartuutissaaq ilisimaneqarluni.

Ajoqutissat

- Pisiniarfii ilaatigut akigititatik appartinnagit, aningaasartuutikinnerugaluartik iluanaarutitik qaffaannarsinnaavai.
- Imaassinnaavoq suliniut illoqarfinnut sikusartunut, ukiamut nioqqutissanik inniminneereernikunut kingusinaartoq. Naatsorsuutaavorli piffinni amerlanerini angumersinnaasoq.

Tamatuma saniatigut suliniutit allat soorlu ilaatigut akileraartarnermi aamma isumaginninnermi isumaliutigineqarput, taakkuli akisuallaarmata aamma pisariuallaarmata qinerneqanngillat.

Aningaasaqarnikkut kingunerisassat

Aningaasaliissutit kontumi pingaarnermi 20.05.45 ”Akit qaffannginnissaannik iliuuserisassat” 30,0 mio. kr.-nik qaffanneqassaaq. Tamanna 2022-mi IST-p inerneranik assinganik ajorseriartitsissaaq.

Nunami maani innuttaasut ajunnginnerusumik atugaqalissapput, misigissavaammi nerisassat akiisa annikinnerusumik qaffakkiartornerat.

Attaveqaqatigiinneq

Naalakkersuisut isummernissamut tunngavissiap akuersissutigineqarneranut atatillugu avammut saqqummiussissaaq. Immikkut isiginiarneqassaaq naatsorsuutigineqartoq pisiniarfiit isumagissagaat suliniutip kingunerisassaasa tungaatigut iluanaarut atuisunut tutsinneqassasoq.

Manna isummernissamut tunngavissiaq isertuussassaavoq, tamatumani politikikkut aalajangersaanermi sulineq kimigiiserfiginissaa, piffissaq nallertinnagu pissamaarneqalersinnaanera kingunerattut pinaveersaarniarlugu. Isummernissamut tunngavissiap inassutitai Aningaasaqarnermut Akileraartarnermullu Ataatsimiititaliamit allakkatigut akuerineqarpata, isertuussineq atorunnaassaaq.

Isummernissamut tunngavissaq tuaviortuuvoq, suliniut atulissappat ingerlaannartumik aallartisarneqassammat.

Tusarniaaneq

Isummernissamut tunngavissiaq Naalakkersuisut Siulittaasuata Naalakkersuisoqarfianut, Ineqarnermut Attaveqaasersuutinullu Naalakkersuisoqarfimmut aamma Isumaginninnermut, Suliffeqarnermut, Nunamullu Namminermut Naalakkersuisoqarfimmut tusarniutigineqarpoq. Tusarniaanermut akissutit ilanngunneqarput.

Naaja H. Nathanielsen

/

Naalakkersuisoqarfimmi pisortaq Nikolai S. Christensen

Ilanngussat

- Missingersuutitut ilanngussaq Kontumut pingaarnermut 20.05.45 Akit qaffannginnissaannik iliuuseqarnissaq
- Oqaasertaliussaq Kontumut pingaarnermut 20.05.45 Akit qaffannginnissaannik iliuuseqarnissaq

20.05.45 Akit qaffannginnissaannik iliuseqarnissaq (Tapiissutitut aningaasaliissutit)

Missingersuutit immikkoortiterneri

	IA 2022
	-- 1.000 kr. --
Ilanngaaseereerluni anigaasartuutit	30.000

Ilassutitut aningaasaliissutit 2022

Kontumut pingaarnermut uunga oqaasertaliussamik ilanngussaqqarpoq.

Kontumut pingaarnermut aningaasaliissutit 30.000.000 kr.-nik qaffanneqassasut qinnutigineqqarpoq.

30 mio. kr.-t Royal Arctic Linemut tapiissutissaapput, taamaalilluni Royal Arctic Linep uuliamut tapiissutitut akiliutigitittagaa 2022-p sinneranut appartinneqarniassammat. Tamanna nerisassat akiisa naatsorsuutigineqqartumik qaffakkiartornissaat annikillisissavaa.

Manna kontumi pingaarnermi aningaasaliissutit 30.000.000 kr.-nik amerlassuseqqalissapput.

Aningaasaqqarnermut Akileraartarnermullu Ataatsimiititaliamit akuerineqqarpoq, ulloq xx-xx-2022, Suliap normua xx.xxx.

Ilanngussaq – Oqaasertaliussaq aamma nassuiaatit kontumut pingaarnermut 20.05.45 Akit qaffannginnissaannik iliuseqarnissaq

Aningaasaqarnermut, Naligiissitaanermullu Naalakkersuisoq

Suliassaqarfik 20

Kontumut pingaarnermut 20.05.45 Akit qaffannginnissaannik iliuseqarnissaq

Tulliuttumi oqaasertaliussaq kontumut pingaarnermut uunga 2022-mut ilassutitut aningaasaliissutissatut siunnersuummi ilanngunneqassasoq qinnutigineqarpoq:

”Naalakkersuisut Royal Arctic Line A/S ingerlatseqatigiiffiup 2022-mi ukiup sisamararterutaasa naggataani uuliamut tapiissutitut akiliutigittagaasa appartinneqarnissaanik, katillugu 30 mio. kr.-p tungaanut sinaakkuteqarluni, sinneruttullu atunngitsuukkat 2022-mi ukioq naatsorsuusiorfiup naanerani nunatta karsianut utertinneqassasut isumaqatiginninniarfiginissaanut piginnaatinneqassasut.”

Nassuiaatit kontumut pingaarnermut 20.05.45 Akit qaffannginnissaannik iliuseqarnissaq

Tulliuttut kontumi pingaarnermi oqaasertaliussat nassuiaataanut 2022-mut ilassutitut aningaasaliissutissatut siunnersuummi ilannguteqqullugit qinnutigineqarpoq:

”Manna oqaasertaliussami Naalakkersuisut Royal Arctic Line A/S ingerlatseqatigiiffiup 2022-mi qaammatit pingasut kingulliit Kalaallit Nunaannut angallasserit avannamukaartuni uuliamut tapiissutitut akiliutigittagaasa appartinneqarnissaanik isumaqatiginninniarfiginissaanut piginnaatinneqassasut siunnersuutigineqarpoq. Isumaqatigiisummi 2022/2023-mi ukiakkut pissamaasersornermi assartorneqalereersunut aamma akilerneqareersunut, 1. september 2022 sioqqullugu pisiarineqareeraluartunut imaluunniit nassiunneqareeraluartunut aamma atuutissasoq anguniarneqarpoq. Uuliamut tapiissutitut akiliutigittagaat aningaasat naleerukkiartornerat aamma uuliap akitsoriartornera ilutigalugu qaffakkiartorsimavoq. Aaqqiissuteqarnissap assartuineri katillugit aningaasartuutit appartissavai, pingaarnermik nerisassanik nunatsinnut eqqussuineri, taamaalillunilu taakku akitsoriartorneri annikillisissallugit.

Oqaasertaliussaq nutaajuvoq.”

Aningaasaqarnermut Akileraartanermullu Ataatsimiititaliamit akuerineqarpoq, ulloq xx-xx-2022, Suliap normua xx.xxx.



Aningaasaqarnermut Akileraartarnermullu Ataatsimiititaliaq
-/ UANI

Brevdato: 20-09-2022
Sagsnr. 2022 - 16911
Akt id. 21251877

Siunersuinermit akissuteqaat, pillugu:

**”Akit qaffannginnissaannik utaqqiisaannaagallartumik iliuuseqarnissaq.
Ataatsimiititaliap suliaa nr. 01.31.06/22-00995.”**

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Apeqqu:

Tamanna ataatsimiititaliamit ima paasineqassava aningaasaliissutit tamarmiusut tamakkiisumik amerlaqataannik RAL-ip assartuinermit akit qularnaatsumik appassagai?

Akissut:

Pingaaruteqarpoq erseqqissassallugu, qinnuteqaat una toqqorluni RAL-imut tapiissutaanngimmat. Ataatsimiititaliap Naalakkersuisut qinnuteqaataat akuerissappagu, Naalakkersuisut uuliap akianut tapimik, assartuinermit akip saniatigut akilerneqartartumik appaanissaq pillugu RAL-imut allakkatigut isumaqatigiissuteqassapput. Isumaqatigiissummi pingaarnerutinneqassapput assartukkat nillartaartitassat, tassa pingaarnerussallutik nerisassat. Uuliap akianut tapit assartukkanut nillartaartitanut 1. september 2022-mit 0 procentinngortinneqassasut, kiisalu assartukkanut allanut 1. oktober 2022-mit 11,1 procentinngortinneqassasut naatsorsuutigineqarpoq. Uuliap akianut tapi ullaikkut assartukkanut tamanut 27,43 procentiuvoq. Isumaqatigiissummi inaarutaasumi naatsorsuutigineqarpoq, RAL januar 2023-p naanissaata tungaanut aningaasat illuarneqartut atornerqarnerat pillugu naatsorsuutininik suliffeqarfinni kukkunerisuisumit akuerineqartunik nassiussinissamut pisussaaffilerneqassasoq allassimassasoq, kiisalu kingusinnerpaamik februar 2023-p naanerani aningaasanik atornerqanngitsoorsimasinnaasunik Namminersorlutik Oqartussanut utertitseqqittussaatinneqassasoq.

2. Apeqqu:

Akerlianilli tamanna ataatsimiititaliamit ima paasineqassava assartuinermit akit appartinneqarnissaannik Namminersorlutik Oqartussat RAL-imut isumaqatigiissutaata iluaqutissartai atuisunit malugineqanngitsoorsinnaanerat?

Akissut:

Tunngaviusumik qulakkeerneqarsinnaanngilaq, assartuinermit akinik appaaneq tamakkiisumik pisisartunut nuutsinneqassasoq. Isummernissamut tunngavissiami

allanneqartutut nioqqutissanik eqqorneqartunik eqqussuisut tunngaviusumik toqqarsinnaavaat maannamut akiusut attatiinnarnissaat, taamaasillutillu iluanaarutitik qaffatsiinnarlugit. Naalackersuisut maannakkuugallartog niuertarfiit iluini akinik allannguinnissanik aalajangersimasunik pinngitsaaliilluni atulersitsinissamut tunngavissaqanngilaq. Taamaattumik Naalackersuisutut niuertarfiit akornanni inuussutissarsiornermik ingerlatsisunik arlalinnik oqalogaqeqarnissamut aggersaavunga, inuussutissarsiortut tungaannit inuiaqatigiinnut akisussaaqataaneq takutinneqassasoq, kiisalu aaqqiissutip atuisunut iluaqutaanissaa Naalackersuisut tungaannit naatsorsuutigalugu oqaasertalernissaa pillugu.

Tamatumunnga atatillugu qularutissaanngilaq, iluaqutaassaqqisoq partiit akornanni politikikkut ataatsimoorutta inuussutissarsiortunut ilimagisatsinnik saqqummiussaqaarutta. Nuannaarutigisorujussuussavara Aningaasaqarnermut Akileraartarnermullu Ataatsimiititaliap suliaq manna tapersorsorpassuk.

Naggataagut atuisunut unammilleqatigiinnermullu aqutsisoqarfimmit paasivara, Aqutsisoqarfip sulissutigigaa akit qaffakkiartornerat eqqarsaatigalugu ulluinnarni nioqqutissat pillugit suliassaqarfimmi niuerfimmi misissuinissaq. Aqutsisoqarfik sulinissaq tamanna eqqarsaatigalugu Islandimit suliamut paasissutissanik pissarseqqammerpoq. Ilisimasat taakku inuussutissarsiortunut ingerlateqqissavakka, tamatuma iluatsinnissaanut inuussutissarsiortut akisussaaaffimmik kivitseqataanissaannut Naalackersuisut kajumissaarutaasa pimoorunneqarnera erseqqissarniarlugu.

3. Apeqqut:

Akit qaffannginnissaannut iluuseqarneq qinnuteqaammi matumani siunertarineqarmat ataatsimiititaliamit aalajangiisuusumik pingaartinneqarpoq. Assartuinermi akit atuisunut iluaqutaanissaat, taamaalillunilu aningaasaliissutit suliffeqarfinnuinnaq iluaqutaanissaasa pinngitsoortinneqarnissaa, Naalackersuisut qanoq qulakkeerinneqataaffigisinnaavaat?

Akissut:

Apeqqummut siulianut akissut innersuunneqarpoq.

4. Apeqqut:

Tamatuma saniatigut assersuutigalugu akitsuutininik appaanikkut atuisunut akit ataatsimut isigalugu sapinngisamik appasinnerpaaffimmiitinnissaannut tunngatillugu Naalackersuisut qanoq isumaliuteqarsimanersut akineqassasoq ataatsimiititaliamit kissaatigineqarpoq.

Akissut:

Naalackersuisut qinnuteqaatip matuma suliaralugu aallartisarneranut atatillugu akit qaffannginnissaannik iluuseqarnissamut periarfissanik assigiinngitsunik arlalinnik isumaliuteqarnikuupput. Suliniutini assigiinngitsuni arlalinni iluaqutissat periarfissallu pillugit suleqatigiit akornanni allakkiaq

piareersaateqarnermi suliarineqarpoq. Allakkjarlu taanna nutartigaq ataatsimiititaliamut kingusinnerusukkut nassiunneqarumaarpoq.

Ataatsimiititaliap apeqqutaanut immikkut atatillugu allakkiami aamma isummerfigineqarpoq eqqussinermi akitsuutinik utaqqiisaagallartumik appaanissamut periarfissaq, allakkiamili tamanna siunertamut tulluarpallaanngitsutut nalilerneqarpoq, ilaatigut allaffissornikkut inatsisilerinikkullu pissutsit eqqarsaatigalugit. Assersuutigalugu neqinut eqqussuinermi akitsuutinik appaanermi nalinginnaasumi aamma aarlerinaateqarpoq, akitsuutinik appaaneq inuussutissarsiortunit pigiinnarneqartoq atuisunut iluaqutaanani. Tamatumunnga atatillugu kajumissaarutigerusuppara, ilaatigut eqqussuinermi akitsuutinik nalinginnaasumik appaanissamut kissaatit, matumani akit qaffannginnissaannik utaqqiisaagallartumik iliuuseqarnissamut oqallinnermit immikkoortinneqassasut. Nalinginnaasumik eqqussuinermi akitsuutinik appaaneq akisuvoq aningaasalersorneqartariaqarlunilu, tamanna aningaasanut inatsisissap isumaqatigiissutigineqarnerani ilanngunneqartariaqarluni.

Apeqqummut siulianut akissuteqaammi taaneqartutut Naalakkersuisut niuertarfiit iluini aalajangersimasumik akinik allannguinnissamut pinngitsaaliillutik atulersitsinissamut tunngavissaqanngillat. Naalakkersuisulli tunngaviusumik takorusunneruat, niuertarfinni akiusut nunatsinni appasitsinneqarnissaat. Ulluinnarni nioqutissani akit appasissut unammillernermik piumasaqaatitaqarput, tamanna nunatsinni anguniassallugu ajornarsinnaavoq, pingaartumik nunaqarfinni isorliunerusunilu, ulluinnarni nioqutissanik pilersuineq niuerfimmi piviusunngortissallugu taakkunani ajornakusoorsinnaavoq. Tamanna tunngavigalugu Naalakkersuisut KNI sullissinermut isumaqatigiissuteqarnikkut tapersersorpaa, nunaqarfinni isorliunerusunilu nioqutissanik pilersuinermi naammaginartumik qulakkeerinnittumik. Tamanna ukiuni aggersuni ingerlaannassasoq naatsorsuutigineqarpoq.

Inussiarnersumik inuulluaqqusillunga

Med venlig hilsen

Naaja H. Nathanielsen